

**CG/2023/NOV/119 ACUERDO DEL CONSEJO GENERAL DEL CONSEJO ESTATAL ELECTORAL Y DE PARTICIPACIÓN CIUDADANA, JITA' IN DHUCHÁL AN AYLÁB ABAL KA T'AJAN TI KWENTÁJ AN BICHOWCHIK ANI AN DISTRITOS JU'TAJ IN YANÉL AN KWENCHALÁB PÉL I TÉNEK K'WAJILOM TI PULOK BICHOW SAN LUIS POTOSÍ ABAL KI IN KONOY AN CANDIDATURAS ABAL AN TÉNEK ATIKLAB, ANTS'ANA' JETÍL AN TSALAP XI NE'ÉTS KA T'AJAN TI KWENTAJ ABAL AN AUTOADSCRIPCIÓN CALIFICADA JANTPIDHA' TI ULUDH BA AN PROCESO ELECTORAL 2024.**

### OLNADHTALÁB

- I. Ti 10 a febrero ti 20214, dhuchan ti Diario Oficial de la Federación an Decreto ju'taj jalk'uyat, punchiyat ani tixk'aj k'eat i tsapal xi ti Constitución Política de los Estados Unidos Mexicanos (CPEUM), ti in abatnadhtal an político-electoral, ants'ana' jaye' ti 6 a junio ti 2019, duchan ti Diario oficial de la Federación an Decreto ju'ta' ti jank'uyat an artículos 2, 4, 35, 41, 52, 53, 56, 94 y 115 xi ti Constitución bijidhits.
- II. Ti 23 a mayo ti 2014, dhuchan ti Diario Oficial de la Federación, an **Ley General de Instituciones y Procedimientos Electorales (LGIPE)**, bats'udh kal an H. Congreso de la Unión ti 15 a mayo ti 2014, abatnadhtaláb xi jalk'uyat ti 2 a marzo ti 2023.
- III. Ti 26 a junio ti 2014, dhuchan ti Periodico Oficial del Estado, an Decreto 0607 ju'taj in jalkuyat an artículos ti Constitución Política del Estado Libre y Soberado de San Luis Potosí (CPSLP), jawa' in kwa'al in jak'uxtál ti 17 a abril ti 2023.
- IV. Ti 7 a julio ti 2016, an Consejo General del Instituto Nacional Electoral, ti junkudhtaláb in batsu'uwchik an **Reglamento de Elecciones** ani in junaxtál, abatnadhtaláb xi jlak'uyat ti julio ti 2023.

- V. Ti 31 a mayo ti 2022, an Consejo General del Instituto Nacional Electoral, yab in bats'uw an Acuerdo xi exlan kal an dhuchláb INE/CG388/2022, ju'taj bats'uwat an konixtaláb, in pejach ani an konowixtaláb abal an Consulta previa, libre e informada abal an Tének atiklab, bichowchik ani kwencialáb kal an tsalap an autoadscripción.
- VI. Ti 28 a septiembre ti 2022 olna' ti Periodico Oficial del Estado de San Luis Potosí, an Decreto kal in ajumtál 0392 ju'taj ti dhuchan an **Ley Electoral del Estado de San Luis Potosi (LEE)** jawa' in tixk'a' xi dhuchan ti Periódico Oficial del Estado, kal an Decreto Legislativo kal in ajumtál 0613 ti 30 a junio ti 2014, abatnadhtaláb xi in ko'oy in talbel jank'udhatláb ti 12 a octubre ti 2023.
- VII. Kal in ajumtál a k'ichaj 29 a julio ti 2023, dhuchn ti Periodico Oficial del Estado "Plan de San Luis" an Decreto kal in ajumtál 0797 xi in olna' an Sexagesima Tercera Legislatura ti Congreso ti Pulik Bichow ba' in jalk'uxtál an artículos &, ti in pejách 42, 51, 157 ti in k'a'al dhuchláb; ti 255 ti in k'a'al dhuchláb, ti 257 ti in k'a'al dhuchláb ani ti 321 ti Ley Electoral ti pulik bichow San Luis Potosí ju'taj ti tsapchíl pejách in pidhál an Consejo Estatal Electoral y de Participación Ciudadana an abatnadhtaláb ju'taj in olnal an tsaláb o t'ajnéel xi in yejentál abal ki in t'aja' an junkunél abal an proceso electoral ok'ox ka tujey, ants'ana' jaye' in t'ajal ti kwentaj abal ka t'ajan jant'idha' in tomnál, in ts'utál ka t'ajan jant'idha' ti olnadh ti legislación general en materia electoral; an Ley Electoral ti Pilik Bichow San Luis Potosí; ani talyanéel an tsalap xi ki in olna' an Instituto Nacional Electoral"

Kal an tsalap xi olnadh ok'ox ani,

#### KAL AN TSALAP

In uchbil an Consejo General abal ka olna' axé xi Acuerdo.

**K'A'ÁL.** Abal an artículo 41, pejach V, kidhtál C, ti CPEUM, ju'taj in olnál abal an Pulik Bichowchik, an elecciones locales ani, máx pél in uchbíl, an konowixtaláb an k'wajilom ani an takuxtaláb abal ka tixk'a' an ayláb, ji'tachik ne'éts ki in abatna' an organismos públicos locales, xi ne'éts ki in aynachik axé' xi tsalap: 1. An uchbidhláb ani an bél abal an alwa'taláb xi ne'éts ki in ko'oychik an candidados ani an partidos políticos; 2. An exobintaláb civica; 3. T'ojodhtaláb abal an junkunél electoral; 4. Ki in ts'ata' ti úw an duchláb ani an eyendhanél kal an takuxtaláb; 5. Ki in olna' xi chubáx ani ki in bina' an constancias abal an takuxtaláb local; 7. An ajumtaláb abal an takuxtaláb xi ne'éts ki in ók'na' an Poder ejecutivo; 8. Ki in olna' an k'a'ál ajumtaláb; kowixtaláb o sondeos in tsalapik an k'wajilom; an tsu'uxtaláb an takuxtaláb, ani an adhuk ajumtaláb; 9. An t'ojchixtaláb, an t'ajné, an ajumtaláb ani an olnadhtaláb kal an ajumtaláb kal an t'ajné an tolmixtaláb an k'wajilom xi ki in ayna' an legislación local; 10. Talyané an tsalap xi yab ajidh ti Instituto Nacional Electoral, ani 11. Talyané xi ki in olna' axé' xi ley.

**TSAPCHÍL.** Ti artículo 116, ti in tsapchíl dhuchláb, pejach iv, duchláb c), ajumtál 1 xi ti cpeum, in olnál an organismos públicos locales electorales ne'éts ki ko'oychik jun i abatnom lubadh xi ne'éts ka k'idhbayat kal jun i consejero presidentes ani akak i cinsejeros electorales, jitajchik ne'éts ki in ko'oy in tsap in kawintál ani ti takux; an secretario ejecutivo ani an kalchix an partidos políticos in ejtowál ka k'wajiychik ti junkduhtaláb expidh ne'éts ka bats'unchát in kawintál; an partido político in ejtowál ki ko'oy junkáts i kalchix ba' an órgano.

**OXCHÍL.** Jant'idhi' bats'udh ti artículo 98, k'a'ál ani tsapchíl dhichláb ti LGIPE. An organismos políticos localres, ants'ana' ejtíl axé' xi Consejo Estatal Electoral y de Participación Ciudadana (CEEPAC) ti San Luis Potosí, dpidhnenék in áy jurídico ani in kwet k'al; ne'éts ki in kwet abatna' ani kwetem tsalapíl, jant'idha' ti dhuchadh ti Constitución, an ley xi k'wajat i olnál, an constituciones ani leyes locales; ne'éts ki t'aja' in t'ojlabíl kal i lubadhtaláb, ne'éts ki in ayna' an tsalapchik ejtíl an certeza,

imparcialidad, independencia, legalidad, máxima publicidad ani objetividad; ani pelchik an eyál kal an tsalap an takuxtaláb, jant'idha' abatnadh ti Constitución Política de los Estados Unidos Mexicanos, ti Ley General xi k'wajat i olnál ani an leyes locales xi in tomnál.

**TSE'CHÍL.** Ti artículo 99 ajumtál 1 xi ti Ley General de Instituciones ani Procedimiento Electorales in olnál an Organismos Públicos Locales ne'éts ki in ko'oychik jun i abatnom lubadh xi ne'éts ka k'idhbayat kal jun i consejera o consejero presidente ani akak i consejeros electorales, jitajchik ne'éts ki in ko'oy in tsap in kawintál ani ti takux; an secretaria o secretario ejecutivo kal i in tsap in kawintál ani ti takux; an secretaria o secretario ejecutivo ani an kalchix an partidos políticos kal in dhuchlabíl ti Lap Tom o ti pulik Bichow, jítajchik ti junkudhtaláb expidh ne'éts ka bats'unchát in kawintál. kwa'a'ka k'wajiy kidhbadh kal in junkudh tsap i éy.

**BO'CHÍL.** Ti artículos 31 xi ti Constitución política ti Pulik Bichow San Luís Potosí ani ti ajumtál 35 xi ti Ley Electoral xi tsapliyál an Pulik Bichow, in olnalchik abal an Consejo Estatal Electoral y de Participación Ciudadana pel jun i abatnom xi ets'ey ne'éts ka t'ojon, walkadh, kwetem tsalapíl ani t'ojlabíl; kal in áy jurídico ani kwetem k'ál, pel i eyal kal an takuxtaláb ti Pulik Bichow. Ne'éts ki t'aja' in t'ojlabíl kal i lubadhtaláb; in áy pél ki in beletna' ka t'ajan an tsalap jant'idha' ti olnadh ti constituciones ani reglamentarios kal an tsalap an takuxtaláb; ki in t'ojjoy, ki ayna' ani ki in beletna' an t'ajnéel kal an takuxtaláb ti Pulik Bichow ani Bichowchik; ants'ana' ejtíl an t'ajnéel abal an takuxtaláb ani an kidhbadhtaláb an organismos kal an tolmixtaláb an k'wajilom ti bichowchik ani an kowixtaláb an k'wajilom ti pulik Bichow jant'idha' in ulalchik an leyes xi in tomnál.

**AKAKCHÍL.** Ti artículo 45 ti Ley Electoral ti Pulik Bichow, in olnál abal an Consejo General pél jun i abatnadhtaláb uchbidh, xi pel in áy ki in beletna' ka t'ajan jant'idha' uludh ti constituciones ani legales kal an tsalap an takuxtaláb, ants'ana' ejtíl ki in beletna' ka ayna' an tsalap xi exladh ti certeza, legalidad, independencia, imparcialidad,

máxima publicidad, equidad, paridad, ani an tsalpadhtaláb abal ki in junikna' an t'abiláb xi in t'ajál an consejo, jawa'chik kwa'ál ka t'ajan kal antsalap perspectiva de género ani talyanél an t'ajbilab xi in aynál an uchbidhláb kal atiklab.

**BUKCHÍL.** Ti artículo 49, pejách I, dhuchláb a) ti Ley Electoral ti Pulik Bichow, in olnál abal an Consejo Estatal Electoral y de Participación Ciudadana in kwa'ál in áy ki in punuw an ts'alap xi kwa'ál ka ayna' ani an t'ajnéel xi yejentál, abal ki in t'aja' ka luban an tsalap xi olnaadh ba' axé' xi ley.

**WACHIKCHÍL.** Ti artículo 49, pejách I, dhuchláb j) ti Ley Electoral ti Pulik Bichow, in ulal abal an Consejo General in kwa'ál in uchbíl ki in dhucha' jant'idha' in kwa'ál ki in ayna' an t'ojláb abal ka alwa' t'ojláts ani pilchik i organismos kal an takuxtaláb.

**Belewchíl.** Jant'idha' ti uludh ti in tsabchíl dhuchláb ti articulo 269 ti ley electoral ti pulik bichow, abal jit'achik ki in le'na' ka takwiat ejntíl i tének k'wajilom, kwa'ál ki in putuw an tsalap xi dhuchadh ti lineamientos de autoadscripción calificada xi ki in bina' an consejo, jawa' kwa'ál ki in ejetna' abal chubax pél i k'wajilom ti kwenchaláb xi in olnál in le' ki in kalchiy. Kal ax'e xi tsalap, axé' xi abatnom in kwa'ál in uchbíl ki in bina' axé' xi bats'udhtaláb.

**Laju'chíl.** Abal ti decreto 0797 dhuchadh ti periódico oficial del estado plan de san luis, ti in artículo transitorio segundo in pidhál in uchbíl an consejo estatal electoral y de participación ciudadana abal ki bina' an bats'udhtaláb ani an ayláb xi in tsalpayál abal in yejenchál ki t'aja' an junkudhtaláb kal an takuxtaláb ok'ox ka tujey axé', ants'ana' ki luba' ka kidhban, ki in t'aja' ti kwentaj an t'ajnéel xi k'wajat dhuchadh ti legislación general kal an tsalap an takuxtaláb, an ley electoral ti Pulik Bichow San Luis Potosí ani ti bats'udhtaláb xi ki in dhucha' an Instituto Nacional Electoral.

## **KAL AN T'AJNÉEL ABAL AN TAKUXTALÁB TI 2024**

**LAJU'CHÍL JUN.** Jant'idha' ti punudh ti in oxchíl dhuchláb, kidhtál V, pejach B, dhuchláb a) kal an abatnadhtaláb constitucional xi bijidhíts, ani an artículo 32, ajuntál 1, dhuchláb a) ti LGIPE, an Instituto Nacional Electoral in kwa'ál in uchbíl abal ki in t'aja' an Procesos Electorales Locales, ani pilchik, i t'ajnéel xi in tomnál kal an exobchixtaláb kal an takuxtaláb; ki olna' ju'taj játs an jolataláb ti ne'éts ka k'wajban an casillas ani jit'achij ne'éts ki in ayna' an uchbidhataláb ti funcionario ti mesas directivas; ani ji'taj ne'éts ki in kidhbay an Padrón Electoral ani an Lista Nominal de Electores; ki in punuw ani ki in olna' jawa'chik játs an distritos electorales ani jant'idha' ti in pejál an tsabal xi ne'éts ki in kidhbay an secciones electorales; ani ki in punuw an jantidha' kwa'ál ka ayna', an t'ajnéel, an tsalap ani an úw xi yejentál abal ka t'ajan an programas de resultados preliminares, an kowixtaláb o ajidhtaláb an tsalap an k'wanchaláb, an tsu'uxtaláb kal an takuxtaláb, an adhij ajumtál, ki ts'ata' an uw ani pilchik i eyendhanél kal an tsalap an takuxtaláb, ants'ana' ejtíl an exobintaláb kal an pidhnél ani an pakuxtaláb kal an tunmin xi in bats'uwálchik an partidos políticos ani an atiklab xi in kiniál ka takwiat.

**LAJU'CHÍL TSAP.** Ti in tsalapíl an artículo 51 ti LEE, in olnal abal an Consejo General, abal ka t'ojchiyat an t'ajnéel kal an takuxtaláb, kwa'ál ka junkun ti in tsapchíl a k'ichaj a enero ti tamub tam ti ne'éts ka t'ajan an takuxtaláb xi in tomnál ti Pulik Bichow. Ba' axé' xi k'ichpaj ma tam ka kidhban an t'ajnéel, an Consejo General kwa'ál ka junkun abal ani tsabíl ta íts.

**XI IN TOMNÁL KAL AN NORMATIVIDAD INTERNACIONAL, NACIONAL ANI LOCAL KAL AN TSALAP AN KALCHIXTALÁB AN TÉNEK K'WAJILOM TI ABATNOM AN EYÁL.**

**LAJU'CHÍL ÓX.** Ti artículo 21 ti Declaración Universal de los Derechos Humanos in t'ajal ti kwentáj abal talyanéel an atiklab in kwa'ál in uchbíl ka tolmixin abal ti eyal ti Lab Tom jun kalat o tam takwiame' ti kalchix ti in kwetemtál, ants'ana' jaye', in olnál abal an

atikáb in kwa'ál in uchbíl a abal ka ots'its, an t'ajnéel kal i alwa'taláb, ani an t'ajbiláb abal ti in puwél an kwenchaláb ti Lab Tom.

**LAJU'CHÍL TSE'.** Ti artículo 25 ti Pacto Internacional de Derechos Civiles y Políticos in olnál abal tal yanél an inikchik ani an mimlábchik in kwa'álchik an walkadhtaláb abal ka tolmixin ti ókchix kal an tsalap an k'wajilomchik, ti jun kalat o ba' an kalchixtaláb takudh ani walkadh; ani jaye' abal ti takux ani abal ka takwiat ti k'eat i takuxtaláb, jantidha' in tomnal, t'ajadh ba' i takuxtaláb ti in kalat ani junkudh ani kal i takuxtaláb tsinat jawa' ki kwalka' abal talyanélchik an k'wajilom ki in olna' in kwet tsalapíl; anijaye' k ajilan ka ots'its, kal i jolataláb abal talyanél jundhudh ka tolmixin, ti in t'ojlabíl abal an k'wajilom ti Lab Tom.

**LAJU'CHÍL BO'.** Ti artículo 23 ti Convencion Americana sobre Derechos Humanos in olnál an uchbidhtaláb ani an jalataláb abal an k'wajilomchik, ju'taj k'wajatchik an tsalap abal ka tolmixin kal an ók'chixtaláb an t'ajnéel an k'wajilom, jun kalat o ba' an kalchixtaláb takudh ani walkadh; ani jaye' abal ti takux ani abal ka takwiat ti k'eat i takuxtaláb, jantidha' in tomnal, t'ajadh ba' i takuxtaláb ti in kalat ani junkudh ani kal i takuxtaláb tsinat jawa' ki kwalka' abal talyanélchik an k'wajilom ki in olna' in kwet tsalapíl; anijaye' k ajilan ka ots'its, kal i jolataláb abal talyanél jundhudh ka tolmixin, ti in t'ojlabíl abal an k'wajilom ti Lab Tom.

**LAJU'CHÍL AKAK.** Ti convenio 169 xi ti organización internacional del trabajo (oit), ti artículo 1, dhuchláb b) in olnál abal an tének bichowchik xi in kwa'ál i k'wajilom xi játs xi k'wajiy ok'ox ka its'anchat in tsabalíl o pejách tsabál ok'áy xi in kwa'ál xowé' an pulik bichowchik, ani jawa'kíts in éy jurídica, ani bele' in kwa'ál in kwet at'aj t'ojláb, nujnéel, t'ajbiláb ani eyál, o junchik.

**LAJU'CHÍL BUK.** Ti declaración de las naciones unidas sobre los pueblos indígenas, ti artículo 1, in ulal abal an "tének atiklab in kwa'ál in uchbíl, ejtíl i kwenchaláb o i atiklab,



in kwa'ál tal yanel in uchbíl ti atiklab ani an walkadhtaláb xi u exlanchab ti carta de las naciones unidad, ti declaración universal de derechos humanos ani an normas internaciones de derechos humanos". Ants'ana' jaye' ti artículo 9 in ulal abal an tének bichow ani atiklab in kwa'ál in uchbíl kom ajidh ti jun i kwenchaláb o tének bichow, jant'idha' in aynál in kwetem t'ajnéel ani t'ajbiláb xi in kwa'ál an kwenchaláb xi u t'ilnál. Ants'ana' jaye' ti artículo 13 ti declaracion bijidh, in olnál abal an tének bichowchik in kwa'ál in uchbíl ki in tsapnanchij, ki in eyendha'chik, ki in exobchij' ani ki in olchij an it yejel atiklab an historia, kawintál, t'iláb, in tsalapíl, an dhuchláb ani an wits'idh káw, ani ki kwajbanchij in bij an kwenchaláb, jolatalab ani atiklab kal in kawintál ani ki in beletna'. Kal antsalap xi ok'ox i uluw, jant'idha' ti olnadh ti articulo 44 ba' axé' xi declaracion, "talyanéel an uchbidhtaláb ani an walkadhtaláb t'ajadh ti kwentaj ba' axé' xi declaración xi in ejetnál an tének inik ani an mimpláb".

Kal an tsalap xi uludhíts, yejentál ki olna' abal an mimpláb ani an inik, ejtíl i k'wajilom, in kwa'ál in uchbíl ki in ayna' jun i abatnadh eyál xi in junkuwál an t'ajnéel. Ants'ana' jaye', an uchbidhtaláb político-lectorales abal an Tének atiklab yab expidh kwa'ál ka ejetnanchat, tam expidh t'ajadh ti kwentáj ti in kwetemtál, ani jaye', ok'okól tam pel i junkunel k'wajilom jit'achij játs xi in tsapikmedhanchab in uchbíl, axéchi játs an uchbidhtaláb político-electrales abal an Tének bichowchik ani kwenchalchik.

**LAJU'CHÍL WAXIK.** Ti artículos 1, 2, y 3 xi ti Convención sobre los Derechos Políticos de la Mujer in ulal abal an mimpláb in kwa'ál in uchbíl ki in bina' in tsalapíl ti in talyanéel an takuxtaláb kal in junkduh tsap ejtílíts an inikchik, yab kwa'ál ka pojka'; abal an mimplábchik ejtowab jaye' ka takwiat kal tal yanéel an takuxtalab abal an abatnadh eyál xi in olnal an legislación nacional, kal jayetsé' in tsap an inik, yab kwa'ál ka pojka'; olnadh jaye' abal in kwa'ál in uchbíl abal ki in ayna' jun i eyál t'ojláb ani ki in t'aja' tal yanéel an t'ajnéel eyál xi ki in olna' an legislación nacional, kal ij junat tsap an inikchik, yab ka pojka'.



**LAJU'CHÍL BELEW.** Abal an Comité para la Eliminación de la Discriminación Racial in olnal an t'e'pintaláb xi wa'áts kal in "yanél ani tsap an eyál t'ojláb xi in t'ajál i Tének atiklab, ok'ok'ol an mimlábchik, ti Lap Tom" ani in olchij an eyal ti Lap Tom abal "ki in tsapnanchij an tsapláb abal an Tének k'wajilom ki in ko'oychik an jolataláb abal ka tolmixin, ok'ok'ol an mimlabchik, in in yanél an atáj t'ojláb ju'taj ki ejtow ki in takwuy an t'ajbiláb, ok'ox an atáj t'ojláb xi in kalchinchál ani in t'ajal ti kwentaj an kwenchaláb, ani ki in t'aja' in tsap abal tal yanél an Tének bichowchik ka tolmixin ti yanél in puwél an eyál t'ojláb, (abal jawa' yejentál ki in k'wajba' ani ki in ayna' k'eat i t'ajné)" Comité para la Eliminación de la Discriminación Racial.

**JUN INIK.** Ti artículo 133 xi ti CPEUM in olnal abal ti Constitución, an leyes xi ki in olna' an Congreso de la Unión ani tal yanél an tratados xi in aynál axé' xi tsalap, xi t'ajnenenék ani ka t'ajan kal an Presidente de la Republica, ani bats'udh kal an Senado, ne'éts ka ayna' ejtíl i Ley Suprema ti in puwél in tsabalíl an Pulik Bichow. Ani jaxtam, tal yanél an tratados internacionales in kwa'ál in tsap ejtíl y ley ani jaxtam t'ajadh ti kwentaj kom in kidhbayál an sistema jurídico i i aynál ti Lap Tom; jaxtam kwa'ál ka t'ajan ti kwentaj ani ka ayna' kal tal yanél xi in kidhbayál axé' xi abatnadhtaláb.

**JUN INIK JUN.** Abal an CPEUM in t'ajal ti kwentaj ti artículo 2, k'a'ál dhuchuláb, abal an Lap Tom pél jun i Bichow xi kidhbadh kal yan i Tének Kwajilom, xi kwajat tsaplidh kal i Tének bichowchik xi játschik xi pel i ja'ubláb xi ti biyál k'wajilom xi xowé in ak'nál in tsabalíl ok'ox ka ots'anchat ani bele' in ejetnál in t'ajnelíl, nujnelíl, t'ajbilabíl ani eyalchik, o junchik xi in kwa'ál.

Kal axé' xi tsalap, u walkanal an tsalap abal an Tének atiklab in kwa'ál in uchbíl ki in k'ijidhbedha' ani ki in ayna', an junkudhtaláb, ani yab ka watsin i pojkadhtaláb, in uchb+il pilitico-electoral abal ti takux ani abal ka takwiat, jant'idha' in olnál an artículo 35, pejach II xi ti CPEUM, aynadh jant'idha' olnadh ba' axé' xi Ley.

**JUN INIK TSABCHÍL.** Ti in kidhtál an dhuchaláb an artículo 269 ti Ley Electoral ti Pulik Bochow San Luis Potosí in olnál abal “máx pél in tsalapíl, kwa’al ki in ejetnanchij an Tének mimláb ani inik abal ki in ayna’ an uchbintaláb abal ti takux ani ka takwiat kal in junkudh tsap. Ants’ana’ jaye’ kwa’ál ki in ejetnanchij abal an Tének bichow ani kwenchaláb ki in ko’oy i kalchix ji’taj ki in kidhbay an eyal t’ojláb ti bichow ani ti congreso local”.

**JUN INIK OXCHÍL.** Jant’idha’ ti dhuchadh ti junkudh úw xi exladh ti “Experiencias y buenas prácticas en la observancia y aplicación del principio de paridad y acciones afirmativas del proceso electoral federal y concurrentes 2020-2021”, dhuchadh kal an Dirección Ejecutiva de Capacitación Electoral y Educación Cívica ti INE ti tamub 2022, xi in junkuwál an Registro de Candidaturas Indígenas ti Pulik Bichow San Luis Potosí, xi in tsapliyal an tsalap xi in binál an Sistema Estatal de Registros, jawa’ i ejetowál ki t’aja’ ti kwentaj axé’ in alwa’: A) expidh an 6.17% in yanél an candidaturas xi u dhuchnál pél i Tének atiklab (435 de 7,054 dhuchadh), abal ani, axé’ in watk’anchál an 150 xi dhuchán ti PEL, al xi ok’ox t’ajan; b) dhuchanchik we’ i mimláb xi k’eat pelák i inik ti jilataláb xi k’wajbadh abal an Tének atiklab (214 i mimláb ani 221 i inik); c) ju’taj in pel i diputación kal i pejach kalchixtaláb ani tsanchíl sindicatura yab dhuchan mani jún i Tének atiklab; ani d) an pejach, ju’taj an áylab wa’tsin k’adhpidh i Tének atiklab xi dhuchan pela n regiduría kal i pejach kalchixtaláb, kal an 7.08%.

## **KAL AN DISTRITO ANI AN BICHOWCHIK JU’TAJ KWA’ÁL KA WA’TSIN I CANDIDATURAS TÉNEK.**

**JUN INIK TSE’CHÍL.** Jant’idha’ ti onadh ti censo de población y vivienda 2020 ti instituto nacional de estadística y geografía, in yanél an k’wajilom xi in kwa’ál an pulik bichow, pél 119,692,898 (ciento diecinueve millones, seiscientos noventa y dos mil ochocientos noventa y ocho) i atiklab, jawa’ tana’ ajidh 23,229,080 (veintitrés millones, doscientos veintinueve mil ochenta), xi pel i k’wajilom xi in kwa’ál óx i tamub ani ejtíl

an t'ajbilab xi in ayn'al i kwet bats'uwál abal pel i tének atiklab xi in olnál abal pél 19.40% in yanél an k'wajilom, ani axé' in yanél i tének atiklab an 51.4% pélchik i mimláb ani 48.6% i inik.

**JUN INIK BO'CHÍL.** Ejtil ti olnahd ti artículo 9 an CPSLP, ti pilik bichow San Luis Potosi in kwa'al i k'wajilom xi in éy pél pluriétnica, pluricultural ani multilinguística, xi tsaplidh kal an Tének bichowchik. Ju'taj in t'ajchál ti kwentaj in biyál xe'tsintál ani tsabalíl an bichowchik an dhakcham, Tének o Huastecos; ani Xi'iuuy; ants'ana' in xe'tsintál an Warrarika o Huicholes.

**JUN INIK AKAKCHÍL.** xowé' ejtidh, ti Ley Electoral ti Pulik Bichow, ti in artículos 269 y 271, ju'taj in abatnál abal an actores polífticos ani an candidaturas independientes ki in punuw i Tének atiklab abal ki in ayna' an t'ojláb ejtíl an diputaciones tam an distrito ki in ko'oy i Tének kwajilom junkduh in yanél o kadhpidh an sesenta por ciento; tam ki in bajuw an candidaturas abal an eyál pél abal an bichow, tam axé' ki in ko'oy in yanél i Tének kwajilom.

Kal an tsalap xi ok'ox, ti artículo 269, ti in oxchíl dhuchláb axé' xi Ley, i alnál abal ki in kidhbay abal in yanél pél i Tének kwajilom, kwa'ál ki t'aja' ti kwentaj xi in olnál an Padron de Comunidades Indígenas ti Pulik Bichow San Luis Potosí, ani jantídha'ti olnadh ti lineamientos xi ki in olna' an Consejo.

Kal an tsalap an Padron de Comunidades Indigenas xi in ducha' an Poder Ejecutivo ti Pulik Bichow San Luis Potosí ti k'ichaj 03 a abril ti 2010, ani xi itbe' an dhuchláb ti Periodico oficial del Estado de San Luis Potosí ti 03 a octubre ti 2015, játs xi u eynál abal ka t'ajan ti kwentáj in yanél an Tének kwenchaláb ani in xamíl; tokot abal axé' xi Padrón expidh in binál an tsalap abal jitachik játs ani an bichow ju'taj ti ajidh an Tének kwenchalchik ti Pulik Bichow San Luis Potosí, tokot abal yab in olnál in yanél an Tének kwajilom xi in kwa'ál junchik an bichow ani an distrito electoral.

Kal axé xi tsalap, ani abal ka ayna' an olnadhtaláb xi k'wajat ti Ley electoral ti pulik Bichow, péI abal ki in ko'oy tal yanél an eyendhanel ani tso'obidhtaláb abal ki in takuy an bichow ani an distritos electorales kal i Tének kwenchaláb ani antsa'na' ki olna' ju'taj kwa'ál ka dhuchan i candidaturas Tének, jaxtam tsalpayamej abal ka t'ajan an distritación electoral xi in olnamál an INE abal an t'ajnéI kal an takuxtaláb ti 2024. Kal axé' xi t'ajnéI, ti Pulik Bichow San Luis Potosí in t'aja' ti kwentaj 15 distritos electorales, jawa' pelchik an distritos 12, 14 ani 15 péI i Tének kom in yanél an Tének kwajilon péI 40% ejtidh kal an criterio 3, jawa' játs an tsalap xi in t'aja' ti kwentaj abal ki in punuwchik an distritos xi kidhbadh kal an bichowchik ci in kwa'ál i Tének kwajilom o i afromexicana, jant'idha' uludh ti Criterios y Reglas Operativas para la Distritación Nacional 2021-2023, xi dhuchan ti Diario Oficial de la Federación ti 20 a febrero ti 2023.

Aynadh an tsalab xi uludhíts ok'ox játs ju'taj ti kale' an Informe Ejecutivo de la Distritación Electoral Local xi in bats'uw an Consejo General ti INE abal an t'ajnéI kal an takuxtaláb ti 2024, tajadh ti kwentaj abal péI an distritos 14 ani 15 an distritos locales xi in kwa'ál junkudh o k'adhpidh an 70% in yanél i Tének Kwajilom; ants'ana', abal ani junkáts kwa'ál ki in ko'oy i candidaturas Téne, ani abal xi ok'ox dhuchadh, an Consejo ne'éts ki in olna' ju'taj in ejtowál ki in ko'oy i Tének distrito electoral ju'taj ne'éts ka t'ajan an postulaciones xi olnadh.

Ba' axé' xi tsalap, yejentál ki uluw abal an distrito 14 in kwa'ál jun in yanél 65.706745% i Tének kwajilom ani afromexicana, ani játs xi in ajoyál an bichowchik Coxcatlán, Ébano, San Antonio, San Vicente Tancuayalab, Tampamolón Corona, Tamuín, Tanlajás, Tanquián de Escobedo ani Axtla de Terrazas. An distrito 15 in kwa'ál in yanél 74.604933% i Tének kwajilom o afromexicana ani játs xi in ajoyál ab bichowchik San Martín Chalchicuautla, Tamazunchales, Tampacán, Xilitla ani Matlapa.

**JUN INIK BUK'CHÍL.** Abal an bichowchik xi in yanél péI i Tének kwajilom, jant'idha' in kwajbamál an distritación an INE abal an Pulik Bichow San Luis Potosí, an bichowchik xi t'ajan ti kwentaj abal in kwa'ál k'ahdpidh in yanél an 40% i Tének kwajilom, péIchik xi ne'éts ka bijyat:

**BICHOWCHIK XI IN KWA'ÁL K'ADHPIDH 40% IN YANÉL I TÉNEK KWAJILOM**

<b>BIJ</b>	<b>KWAJILOM</b>	<b>YANÉL (PORCENTAJE) I TÉNEK KWAJILOM</b>	<b>PEJÁCH (PROPORCIÓN) AN K'WAJILOM DISTRITAL</b>
<b>SAN ANTONIO</b>	9397	94.66	0.0499
<b>TANLJAS</b>	17594	92.76	0.0935
<b>COXCATLAN</b>	15318	88.52	0.0814
<b>AQUISMON</b>	48220	86.76	0.2563
<b>HUEHUETLAN</b>	15289	86.27	0.0813
<b>AXTLA DE TERRAZAS</b>	32726	85.24	0.1739
<b>TANCANHUITZ</b>	20967	85.20	0.1114
<b>MATLAPA</b>	28824	84.35	0.1532
<b>TAMPAMOLON CORONA</b>	13630	83.59	0.0724
<b>TAMPACAN</b>	14284	80.17	0.0759
<b>SAN MATIN CHALCHICUAUTLA</b>	18413	79.04	0.0979
<b>TAMAZUNCHALE</b>	95256	78.00	0.5063
<b>SANTA CATARINA</b>	12170	75.29	0.0647
<b>TAMUIN</b>	37087	60.47	0.1971
<b>XILITLA</b>	49753	59.22	0.2644

<b>SAN VICENTE TANCUAYALAB</b>	14943	58.88	0.0794
<b>TANQUIAN DE ESCOBEDO</b>	13452	58.82	0.0715
<b>ALAQUINES</b>	7785	52.40	0.0414
<b>TAMASOPO</b>	29033	40.30	0.1543

Kwa'ál ki olna' abal axé' xi exobintaláb játs an tsalap xi t'ajan ti kwentaj max wa'áts i Tének kwajilom abal ki in kidhbay an distritos ti Pulik Bichow San Luis Potosí, axé' játs ju'taj ti kadhan an exobintalab xi in t'aja' ti kwentaj an INE, játs an bases estadísticas xi in kal an INEGI ani an INPI. Ju'taj u kalel an 2 millones 822 mil 255 i kwajilom ti Pulik Bichow, jawa' 558 mil 550 (19.79%) pélchik i atiklab xi in kwetem bats'uwál pélchik i Tének, jawa' in olnál abal an Pulik Bichow pel pluricultural, ju'taj 19 ba' an 58 in yanél an bichowchik dhuchan abal in ajumtál k'adhpidh an 40% pél i Tének kwajilom.

Axé' xi tsalab, ani jat'idha' dhuchadh ti in k'a'ál dhuchláb an artículo 269 ti Ley Electoral ti Pulik Bichow, jawa' játs an bichowchik xi in kwa'ál in yanél i Tének kwa'ál ki in ko'oy i candidaturas Tének, játschik: Alaquines, Aquismon, Tancanhuitz, Coxcatlan, Huehuetlan, San Antonio, San Martín Chalchicuautla, San Vicente Tancuayalab, Santa Catarina, Tamazunchalel, Tampacán, Tampamolón Corona, Tamuín, Tanlajás, Tanquián de Escobedo, Axtla de Terrazas, Xilitla ani Matlapa.

Axé játs an ajidh exobintaláb xi in tomnál ya eyán abal an Tének kwenthaláb abal an distritos ani an bichowchik ti San Luis Potosí, eynál jaye' an duchláb xi in olnal in yanél an Tének kwajilom xi in eyendha' an Instituto Nacional Electoral, junkudh kal an Instituto Nacional de los Pueblos Indígenas, xi ts'ejkan tolmidh kal an Censo de Población y Vivienda xi an INEGI in t'aja' ti 2020, xi i olaníts ok'ox; tokot abal an bicowchik xi in yanél pel i Tének kwajilom, ants'ana' ejtíl abal ka olna' jawa' tam distrito

in kwa'ál in uchbíl ki in ko'oy i candidaturas Tének abal an takuxtaláb ti in bichowíl, kwa'ál ka t'ajan ti kwentaj xi té' olname' kal in tsap an Ley Electoral ti Pulik Bichow.

**KAL AN AUTOADSCRIPCIÓN CALIFICADA ABAL AN ATIKLAB XI KI IN LE'NA' KI IN BINA' IN BIJ ABAL KA T'AJAN TI KWENTAJ ABAL AN T'AJNÉL XI LUBADH AN TÉNEKCHIK KAL AN CANDIDATURAS ABAL KI IN AYNA' I TAKUXTALÁB.**

### **T'ajnéel xi lubadh**

**JUN INIK WAXIKCHÍL.** Abal an Convención Internacional sobre la Eliminación de todas las formas de Discriminación Racial, ti artículo 1, ajumtál 4, in ulal abal **"t'ajnéel xi lubadh** xi ne'éts ka ayna' in tsapliyál abal ka puwedha' talyanéel an Tének bichowchik o junchik i atiklab xi ki in yejenchij ka k'aniat ani yejentál ka ejetna', ka junkunchat in xe'tsintál, ki in k'ijidhbedha' ani ki in ayna' an uchbidhtaláb an atiklabchik ani talyanéel an walkadhtaláb xi exlanchab, ants'ana' ejtíl in uchbíl político-electorales, ani yab t'ajadh ti kwentaj ejtíl i pojkadhtaláb.

**JUN INIK BELEWCHÍL.** Jant'idha' ti uludh ti artículo 15 bis xi ti **ley federal para prevenir y eliminar la discriminación**, junchik an poderes públicos federales ani an atáj t'ojlab xi ajidh ba axé'chik, in kwa'álchik in uchbíl ki in punuw i t'ajnéel abal ki in junkuw, abal ka tal t'ajan ti kwentaj ani i t'ajnéel xi libadh xi yejentál abal ka ejetnanchat abal talyanéel an atiklab ki in ko'oy junkudh i alwa'taláb ani in uchbíl abal yab ka pojka'. Ka ayna' axé' xi t'ajnéel in kidhbayál an tsalap abal yab ka wa'tsin i pojkadhtaláb, jawa' kwa'ál ka ayna' ti in yanél ani k'ayum ti aynadhtaláb an eyalchik, ani ti in kwetemtál ki in t'ejska', ki in t'aja' ani ki in lejbay an políticas publicas xi ki t'ajanachik talyanéel an poderes públicos federales. Ants'ana' jaye' ti articulo 15 septimus an ley xi bijyamejíts in olnal **abal an t'ajnéel xi lubadh pél i t'janéel expidh ani abal jun we', xi in tolmiyál i atiklab o i bichow xi k'wajat ti pojkab, in alwa' pél ki in junkuw an xe'tsintaláb abal talyanéel ki in k'ijidhbedha' o ki in ayna' an uchbidhtaláb ani walkadhtaláb, xi**



**yejentál tam kwajat i ats'piyál axé' xi pojkadhtaláb.** Ne'éts ka ayna' jant'idha' in tomnál abal ka t'ixk'a', ani ka beletna' ani ka k'ak'na an tsalap kal an alwa'taláb ani in puwél. Axé' xi t'ajnéel yab ne'éts ka t'ajan ti kwentaj ejt'il i pojkadhtaláb jant'idha' in olnál an articulo 5 xi axé' xi ley. Abal ka ejtiyat xi i uluw ok'oy yejentál ki olna' abal ne'éts ka ejtiyat ejt'il i t'ajnéel xi lubadh xi ki in ayna' an tsalap t'ojlidh, dhubat o abatnadh abal ki in beletna' ani ki in k'aniy an tolmixtaláb ani kalchixtalán an tének atiklab, bichowchik ani kwenchaláb. Ants'ana' jaye' ti articulo 15 octavus, dhulab 1 xi bijidhítd in olnál abal an t'ajnéel xi libadh injetowál yaje' ki in ak'na' i t'ajnéel abal ki in ejtow ka ots'its, ka k'wajay ani ka k'ak'na' i atiklab xi ajidh ti bichowchik xi in ats'atspiyamál i pojkadhtaláb ani i k'adhipidh i tejwamedhomtaláb, ti jolataláb ejt'il ti atáj exobintaláb, ti t'ojlá ani ti kakuxtaláb abal an eyálchik ba' an ts'ejkanél i porcentaje o cuotas. Ants'ana' jaye' ti in dhuchumtál 2 axéye' xi ley in olnál abal an t'ajnéel xi lubahd ne'éts ki in tsapna' abal ka ayna' kal an atiklab xi wa'tsinenék ti tének bichow, afrodescendientes, mimiánchik, ts'ik'axchik, kwitolchik ani i elelpok'el, i atiklab kal i discapacidad ani i atikláb xi in kwa'alíts yan i tamúb.

**JUN INIK JALU'CHÍL.** Kal an tsalap jurídico nacional ani internacional abal an k'anixtaláb ani an t'ajadhtaláb kal an uchbidhtaláb an atiklab, tsalpadh abal pél in áy an eyal ti Lap Tom ki in punuw an t'anél xi lubadh tam k'wajte' ti ts'ejkanal an t'anél xi ne'éts ka áyna' jun we', tsalpadh, lejbadh ani t'ajadha abal ki in junikna'an junkduhtaláb xi in tomnál. Abal axé', an Tribunal Electoral del Poder Judicialde la Federación in olna' an Jurisprudencias 30/2014, 43/2014, ani 11/2015, ba' an ts'alap ani t'ajnéel xi játs:

**T'AJNÉEL XI UCHBIDH. JAWA' JÁTS, JAWA' IN ALWA' ANI JANT'IDHA' TI NE'ÉTS KA AYNA'.** Abal ka ejtiyat ani ka t'ajan jant'idha' ti uludh ti artículos 1, boch'il dhuchláb ani 4 k'a'al dhuchláb ti Constitución Política de los Estados Unidos Mexicanos; 1, chuchlab 1, ani 24 xi ti Convención Americana sobre Derechos Humanos; 1 ani 4, chuchláb 1, ti Convención sobre la Eliminación de Todas las Formas de Discriminación contra la Mujer; 1, 2, 4 ani 5, pejách I, ti Ley Federal para Prevenir y Eliminar la

Discriminación; 1, 2, 3, chuchláb k'a'ál, ani 5, pejách I, ti Ley General para la Igualdad entre Mujeres y Hombres, ants'ana' ejtíl an tsalap xi in olnál an Corte Interamericana de Derechos Humanos xi punudh ti Opinión Consultiva OC-4/(\$, ani xi eynan abal ki in t'ojoy an pojkadhtaláb a Castañeda Gutman vs México, ani abal an ts'ik'achik Yean y Bosico vs Republica Dominicana; xi in olnál an t'ajnéel xi lubadh abal ka eyan abal ka t'ajan ti kwentaj an t'ajwantál, ani in kwa'ál an tsalap abal ka tolmixin ju'taj ka wa'tsin an biyál pojkadhtaláb ani xi in tametnál an atiklabchik xi in le' ki ayna' an uchbidhtaláb, abal ants'ana' ka pidhan an junkudhtaláb abal ki exla' jant'idha' in olnal an Secretaria Ejecutiva ti axé xi Consejo Electoral y de Participación Ciudadana abal ki in buk'uw an tsalap xi in olnal an acuerdo kal an atiklab xi u t'ojnál ti eyál kom játs xi in kwa'ál in tsap legales xi yejentál, ants'an' jaye' ka t'ejwamedhanchat axé' xi acuerdo a atiklab xi in kidhbayál an Consejo General xi yab k'wajay tamm ti bats'uwat axé', ants'ana' jaye' in pejach an Consejo xi pel in k'ál, t'ojlabíl ani t'ajnéel xi in kwa'ál abal kal an k'wajilomchik. Axé xi t'ajnéel in kwa'ál i t'ejwamedhomtalán kom pél: jun we', kom expidh u ejtowab ka eyán tam in yejenchál jant'idha' ti punudh; jun pejách, kom kwa'ál ki in junkuw an t'ajnéel abal ka t'ajan ani jawa' in bajwál, ani ants'ana' yab ka wa'tsin an pojkadhtaláb xi játs in le' ki in tixk'a'; ants'ana' jaye' xi tsalpadh ani xi yejentál, kom kwa'ál ki in tok'tsiy an yejchixtaláb an kwajilomchik xi in xe'tsintál in ts'utál an pojkadhtaláb.

**T'AJNÉEL XI UCHBIDH. XI KWA'ÁL IN ÁY PUNUDH TI CONSTITUCION ANI IN UCHBÍL KAL AN JUNKUDHTALÁB KAL AN TSALAP.** Kal an wenk'odh tsalap an artículos 1°, ti in dhuchláb k'a'ál ani in taltal, ani 4°, k'a'al dhuchlab, ti Constitución Política de los Estados Unidos Meicanos; 2, k'a'ál dhuchláb, ani 3 ti Pacto Internacional de Derechos Civiles y Políticos, xi in kudhbayál xi uludh ti dhuchlab xi in ok'xiyál a junkudhtaláb ti in alwa' an tsalpa xi kwa'ál ki in ayna' an Estado Democrático de Derecho, jitaj in t'ajal ti kwentaj jant'odha' ti k'wajat an kwajilom xi u ejtowab ka pojka' kom in junkuwal ani in kidhbayal, ejtílchik an mimiáb, Ténekchik, discapacitados, ani k'eatchik, ani in tolmiyal abal ka ayna' i t'ajbilab abal ki in tixk'a' an pojkadhtaláb, eyladh ti t'ajnéel xi lubadh, ets'ey tam ki in ayna' i t'janéel xi yejentál ani tsalpadh. Jáxtamíts i

kidhbayál abal an t'ajnéel xi uchbidh xi punudh abal axé' xi junkunel kwajilom tsapliy kal an tsalap contitucional ani in uchbíl kal an junkudhtaláb.

**T'AJNÉEL XI UCHBIDH. T'AJNÉEL XI YEJENTÁL.** Wenk'odhtaláb junini' ani xi eyadh jant'idha' ti dhuchadh ti artículos 1°, chuchlab bochíl; 4°, dhuchlab k'a'ál, ti Constitución política de los Estados Unidos Mexicanos; 1, dhuchlán 1 ani 24 ti Convención Amricana sobre los Derechos Humanos, 1 y 4, dhuchláb 1, ti Convención sobre la Eliminación de todas las Formas de Discriminación Contra la Mujer, 1, 2, 4 ani 5, pejách I ti Ley Federal para Prevenir y Eliminar la Disciminación; 1, 2, 3, k'a'ál dhuchláb; ani 5, Pejách I, ti Ley General para la Igualdad entre Mujeres y Hombres; ants'ana' ejtíl an tsalap xi in punuwal an Corte Interamericana de Derechos Humanos ani an Comité para la Eliminación de la Discriminación contra la Mujer; xi in tsalpayal abal pel in uchbíl an eyal ti Lap Tom ki olna' an t'ajnéel xi uchbidh tam k'wajte' ti t'sejkanál an t'ajnéel xi junwe', tsalpadh, lejbadh ani uchbidh xi ne'éts ka ayna' abal an junkudhtaláb. Jáxtam, an eyendhanél xi pel i t'janél xi uchbidh játs: a) in alwa' ani taltál. Abal ki in t'aja' chubáts an junkunél ani, ants'ana' ki in jalbinchij o ki in tixk'a' an kiyaxtaláb, an pojkahdhtaláb; ki in bajuw an kalchichtaláb o an tolmixtalab junini' in puwél, ants'ana' abal ki in k'wajba' an t'ajnéel xi an atiklab in ejtowál ki in tujchij ani ki bajuw an alwa'taláb ani tsapláb. B) jitajchik ne'éts ka t'ajan ti kwentaj. Atiklanchik ani bichowchik xi kwajatchik ti t'sejwantál ani/o i pojkadhtaláb abal ki in k'ijidhna' ani ki in ayna' jant'ihda' in tamnál in uchbíl, ani c) jant'idha' kwa'ál ka xe'tsin. In t'ajal ti kwentaj yantolom i eyendhanél, políticas ani t'ajnéel xi pel in alwa' abatnadh, t'ajadh, eyadh ani bats'udh. Ka bats'uwal jun i t'ajnéel ne'éts ki in yejenchij ka t'ajan ti kwentáj ju'taj ti ne'éts ka eyán ani abal jale' u le'nab ka bajwat. An t'ajnéel xi lej exladh ti t'ajnéel xi uchbidh játs an políticas de cuotas o cupos”.

**An autoadscripción calificada ejtíl i t'ajnéel xi uchbidh.**

**JUN INIK LAJU'CHÍL JUN.** Kal an tsalap an Tének t'ajnéel xi uchbidh, an Sala Superior del Tribunal Electoral del poder Judicial de la Federación ti junkunéel t'ajadh ti 3 a agosto ti 2018, in olna' an dhuchláb Tesis XXIV/2018, kal an dhuchlab ani tsalap xi játs:

**AN T'JANÉL XI UCHBIDH. T'AJADH TI KWENTÁJ JANT'IDHA IN TOMNÁL ABAL KA EJETNA' AN TÉNEK KWAJILOM KI EJTOW KI T'AJA' JUN I T'OJLAB XI U TAKWIAB KAL AN KWAJILOM.** Kal an wenk'odh tsalap k'adhídhíl, teleológica ani juniníl ti artículo 1°, 2° ani 41, base I, dhuchláb tsapchíl, ti Constitución Políticas de los Estados Unidos Mexicanos; junadh kal an cinvenio 169 de la Organización Internacional del Trabajo sobre Pueblos Indigenas y Tribales en Apises Independientes; ani abal ki in kidhbay an pojxaxtaláb xi t'ajchin an tsik'achik yean ani Bosico vs. República Dominicana; in ulal abal an t'ajnéel xi uchbidh, ejtíl i aalwa' t'ajnéel, in kwa'ál in k'ij abal ki t'aja' ti kwentaj an atiklab xi in kidhbayál an kwajilom xi ts'ejwantál o pilchik in t'ajbilabíl, abal ki in ko'oychij juniní in xe'tsintál ejtíl in yanéel an kwajilom. Ba' axé' xi tsalap, **an Tének t'ajnéel xi lubadh kal an tsalap político-electoral in jilál abal an junkunéel kwajilom ki in ko'oy jaye' an jolataláb abal ki in otsanchij ti t'ojnál ba' jun i t'ojláb xi u binab kal i takuxtaláb, ani axé' yab kwa'ál ki in pojka' píl i atiklab o kwajilom.** Kom axé' pel i t'ajnéel xi in lejbayál an t'ajnéel kal an takuxtaláb, an Tének t'ajnéel xi lubadh kwa'ál ki in ejetnan abal talyanéel an Tének kwajilom ti kwenchaláb ka tolmixin abal ki in ayna' jun i t'ojláb xi u binab kal an takuxtaláb, jawa' in yejenchál i jolataláb abal i junkudhtaláb abal tal yanéel an Tének kwajilom ani xi k'eat i kwajilom. Kal axé' xi t'ajnéel u aliab abal ka puwedha' an Tének kalchixtaláb.

Kal axé' ejtidh, abal an t'ajnéel xi lubadh pél i t'ajnéel xi in tolmiyál an tsalap político-electoral, abal ki in t'aja' ti kwentáj an wek'dhomtaláb ani an pojkadhtaláb jawa' yan in walkamál ki in aynachik in uchbíl político-electorales ti Tének bichowchik ani kwenchaláb xi ki in ayna' an jundhtaláb. Axé' abal ka wa'tsin jun i alwa' kalchixtalab ani tolmixtaláb política xi ki t'aja'chik an Tének bichow ani kwenchalchik jawa' lej yejentál ka t'ajan an tejwamedhomtaláb abal an Tének atiklab in kidhbayál an tsalap abal pel i

Tének kwajilom, axé' u exláb ti autoadscripción, jawa', an Tribunal Electoral del Poder Judicial de la Federación in kadha' an Jurisprudencia 12/2013, ants'ana' ejtíl an Tesis LIV/2015, kal an dhuchláb ani an t'ajnéel xi játs:

**AN TÉNEK KWENCHALÁB. AN TSALAP KAL AN AUTOADSCRIPCIÓN XI YEJENTÁL ABAL KA T'AJAN TI KWENTAJ ABAL PEL I TÉNEK KWAJILOM.** Kal an wenk'odh tsalap xi ti articulo 2°, bo'chíl dhuchláb ti Constitución Política de los Estados Unidos Mexicanos; 1, pejach 2 ti Convenio numero 169 de la Organización Internacional del Trabajo sobre Pueblos Indígena y Tribales en Países Independientes; 3, 4, 9 ani 32 ti Declaración de las Naciones Unidas sobre los Derechos de los Pueblos Indígenas, ju'taj u kalel abal an kwenchalábchik in kwa'ál in uchbíl ejtíl i atiklab ani k'wajilom aban ants'ana' ki in ko'oy ani ki in ayna' in kwetey alwa' ani t'ajnéel, ants'ana' ejtíl abal ki in exla' an atiklab xi in kidhbayál ejtíl i Ténekchik ani abal ka ts'utat ants'ana'. Jáxtam, tam ju i atiklab o junkunel i atiklab ki in bats'uw ani ka kwet dhuchan ejtíl i Tének, yejentál ka t'ajan ti kwentáj abal ajidh tam ki in ayna' an t'ajbilab, ki in exla' an biyal tsalap, in eyalchik, in kawintál o píl i t'ajnéel xi wa'áts kal an kwenchaláb, ani jáxtam, kwa'ál ka dhuchan axé' xi abatnadhyláb xi in ejetnál. Jáxtam an autoadscripción pel jun in t'ajnéel xi in walkál abal ka exla' an Tének éy an kwajilomchik ti kwenchaláb ani ki in áyna' an uchbidhtaláb xi in bats'uwál tana'.

**AN TÉNEK KWENCHALCHIK. AN AUTOADSCRIPCIÓN ABAL AN KWAJILOM YAB EXPIDH BATS'UDH ABAL KA T'AJAN TI KWENTAJ.** Jant'idha' olandi ti Jurisprudencia 12/2013, ti dhuchláb: "AN T'JANÉEL XI UCHBIDH. T'AJADH TI KWENTÁJ JANT'IDHA IN TOMNÁL ABAL KA EJETNA' AN TÉNEK KWAJILOM KI EJTOW KI T'AJA' JUN I T'OJLAB XI U TAKWIAP KAL AN KWAJILOM". Tokot abal i atiklab ani i junkudh atiklab ki in bats'uw ani ka kwet dhuchan ejtíl i Tének, játs expidh xi yejentál abal ki ayna' an uchbidhtaláb xi axé' in abatnál, abal jajá'chik ki ejtow ka otsi'itschik kal walkadhtaláb, axé' in t'ajál abal an sistema democrático ka tsapikméj tam u ejetnandhap un uchbíl políticos ba' an beletnadhtaláb judicial xi in tomnál. Abal

ani', axé' yab in walkál abal axé' xi órgano jurisdiccional ki in ko'oy ki in bats'uw alk'idhk'ij an konowixtaláb, kom kwa'ál jaye' ka t'ajan ti kwentáj an jolatalab xi in tomnál ani in abatnál, ants'an' ejtíl an t'ajnéel xi in t'ajal ti kwentáj.

Abal ani', ka ayna' an Tének t'ajnéel xi lubadh aynadh kal an autoadscripción yab expidh játs xi yejentál abal ka t'ajan ti kwentáj an kalchixtaláb abal an Tének kwenthaláb kom wa'tsinenék yantolom i jolbinél xi tejwame' ti proceso electoral federal ti 2017-2018. Ants'ana', an Sala Superior del TEPJF in bats'uw an tesis IV/2019 xi ti in dhuchláb ani tsalpa játs:

**AN TÉNEK KWENCHALCHIK. AN PARTIDOS POLÍTICOS KWA'ÁL KI IN BINA' I T'AJNÉEL XI KI IN OLNÁ' ABAL IN JUNKUWÁL I ATIKLAB XI IN LE' KA T'AJAN TI KWENTAJ KAAL AN KWENCHALÁB JU'TAJ U K'WAJÍL, ANTS'ANA' IN KIDHBAYÁL AN T'AJNÉEL XI LUBADH.** Jant'idha' k'wajbadh ti artículo 2 ti Constitucion Política de los Estados Unidos Mexicanos ani an Jurisprudencia 12/2013, kal an dhuchláb "AN TÉNEK KWENCHALÁB. AN TSALAP KAL AN AUTOADSCRIPCIÓN XI YEJENTÁL ABAL KA T'AJAN TI KWENTAJ ABAL PEL I TÉNEK KWAJILOM". Tokot abal i atiklab ani i junkudh atiklab ki in bats'uw ani ka kwet dhuchan ejtíl i Tének, játs expidh xi yejentál abal ki ayna' an uchbidhtaláb xi axé' in abatnál, abal jajá'chik ki ejtow ka otsi'itschik kal walkadhtaláb, axé' in t'ajál abal an sistema democrático ka tsapikméj tam u ejetnandhap un uchbíl políticos ba' an beletnadhtaláb judicial xi in tomnál. Abal ani', axé' yab in walkál abal axé' xi órgano jurisdiccional ki in ko'oy ki in bats'uw alk'idhk'ij an konowixtaláb, kom kwa'ál jaye' ka t'ajan ti kwentáj an jolatalab xi in tomnál ani in abatnál, ants'an' ejtíl an t'ajnéel xi in t'ajal ti kwentáj.

Abal ani', tam eyendha' an Tének t'ajnéel xi lubadh ba' an autoadscripción xi olnadh ok'ox axé' yab in tolmíy abal ka t'ajan ti kwentaj ani ka wa'tsin an kalchixtaláb abal an Tének kwenthaláb kom wa'tsin i jolbinél xi olna' ti proceso electoral federal ti 2017-

2018. Ants'ana', an Sala Superior del TEPJF, in bats'uw an Tesis xi in tomnál IV/2019 xi ti in dhuchláb ani t'ajnéel, játs:

**AN TÉNEK KWENCHALCHIK. AN PARTIDOS POLÍTICOS KWA'ÁL KI IN OLNÁ' AN T'AJNÉEL XI KI IN T'AJA' TI KWENTÁJ ABAL IN JUNKUWÁL I ATIKLAB XI IN LE' KA T'AJAN TI KWENTAJ TI IN KWENCHALÍL JU'TAJ U K'WAJÍL, ABAL ANTS'ANA' KI IN PUTUW AN TSALAP KAL AN T'AJNÉEL XI LUBADH.** Jant'idha' ti dhuchadh ti artículo 2 ti Constitución Política de los Estados Unidos Mexicanos ani an jurisprudencia 12/2013, kal an dhuchláb AN TÉNEK KWENCHALÁB. AN TSALAP KAL AN AUTOADSCRIPCIÓN XI YEJENTÁL ABAL KA T'AJAN TI KWENTAJ ABAL PEL I TÉNEK KWAJILOM, an Sala Superior in teynamál abal an autoadscripción játs xi yejentál abal ki in t'aja' ti kwentaj abal i atiklab pel i kwajilom ti kwenthaláb. Játs, kal an tsalap abal ka alwa'me' an t'ajnéel xi lubadh, ants'ana' jetíl ki in beletna' an tsalap abal pel i chubaxtaláb, jawa' yejentál, abal ka koniat an Tének candidaturas, an partidos políticos kwa'ál ki in bina' i t'ajbiláb ju'taj ki in tejwamedha' an **autodacipción calificada** xi kidhbadh ka i t'ajnéel abal axé' ka bajwat. Jáxtam, kal axé' xi declaración, **an partidos políticos kwa'ál ki in olna' an t'ajnéel xi in t'aja' ti kwentáj abal in junkuwál i atiklab xi in le' ka t'ajan ti kwentaj ti in kwenthalíl ju'taj u k'wajíl, ba i eyendhanél xi ki in olna' abal in putwál in alwa'**, ejntíl an constancias xi in binál an eyal ti kwenthaláb o Tének kwajilom, jant'idha' in olnál an sistema normativo interno xi in tomnál.

**JUN INIK LAJU'CHÍL TSAP.** Kal an k'icháj a 7 a septiembre ti 2023, an Unidad Técnica de Transparencia y Protección de Datos Personales del Instituto Nacional Electoral in alchij an Consejo Estatal Electoral de Participación Ciudadana de San Luis Potosi, kal an tsalap abal an olnaxtaláb an tsalap abal an candidaturas abal an t'ajnéel xi lubadh ti Sistema Candidatas y Candidatos, Conoceles, axé' abal ka ayna' an Proceso Electoral Local ti San Luis Potosí, ba' axé' in chuchbiy an ejetnadhtaláb xi kwajbadha ti abatnadhtaláb ju'taj in tolmiyal an junkunél atiklab xi k'wajinek ti pojkbab' an Ley Electoral del Estado de San Luis Potosi ne'éts ka t'ajan ti kwentáj ejtíl i



t'ajnéel xi uchbidh, abal jawa', an alwa' abal an konowixtaláb an kwenchaláb ne'éts ki in olna' an t'ajnéel xi lubadh an atiklab xi k'wajat ti dhuchnál kal in tolmixtál, kon axé' xi exlowantaláb pel in tsap an kwenchalab, játs xi in aynamál an resoluciones RRA10703/21 ani RRA/11955/21 an Instituto Nacional de Transparencia, Acceso a la Información y Protección de Datos Personales.

Axé' in le' ki in uluw, abal ka t'ajan ti kwentáj an abatnadh t'ajnéel xi ki in ayna' an Ley Electoral Local kal an tolmixtaláb an Tének kwajilomchij ba' an t'ajbilab kal an takuxtaláb ti San Luis Potosi, ants'ana' jaye' xi punudh, abal ka ejtowa' ka ayna' kal an órganos de gobierno xi ka takwiat, kwa'ál ka t'ajan ti kwentáj ejtíl i t'ajnéel xi lubadh kal an tsalap an takuxtaláb.

**JUN INIK LAJU'CHÍL ÓX.** Abal an **Sala Superior del Tribunal Electoral del Poder Judicial de la Federación** ti in dhuchlabíl Tesis III/2023 ti k'ichaj a 12 a abril ti 2023, xi in dhuchál: T'AJNÉEL XI LUBADH ABAL KI IN AJIY TAM KA KIDHBAN AN T'AJNÉEL KAL AN ATIKAB XI U K'WAJÍL ANI IN JUNKUWÁL I KWAJILOM XI TS'EJWANTÁL, jawa' in chuchbiyál an t'ajnéel xi uchbidh in kwa'al an t'ajnéel abal ki in odha' an atiklab xi u k'wajíl ti junkunél k'wajilom ni ne'éts ki bats'uw an tolmixtaláb, ani in ajiyál an junkunél, kal in walkadhtál abal in ejtowál ki in kidhbay pil i junkunél xi jayets'e in éy xi in tsapliyal an kalchixtaláb kal xi ne'éts ki in bats'uw an tolmixtaláb kal an abatnadhtaláb, yab ne'éts ka t'ajan ti kwentaj an t'ajnéel abal ki in putuw tsap o pílchik i t'anél xi lubadh, kwa'ál ka k'ak'nachat in kwetem tsalapíl an atiklab xi k'wajat i t'ilal (kom pél i tsalap abal ka exlan) ani ants'ana' ki in tsalpanchij máx ne'éts ki in junkuw an partido o kal pil (coalición) xi in tomnál.

AN DHUCHUMTALÁB XI NE'ÉTS KA AYNA' ABAL AN TOLMIXTALÁB POLÍTICA KAL AN TÉNEK CANDIDATURAS ABAL AN TAKUXTALAB LOCALES PREVIOS TI SAN LUIS POTOSÍ.

**JUN INIK LAJU'CHIL TSÉ'.** Junadh kal xi ok'ox dhuchadh yejentál ki t'aja' ti kwentáj an impugnaciones xi olnamej kal axé' xi tsalap jawa' in kwa'ál in tsap ma tam ti dhuchan ti 30 a junio ti 2014 ti **Ley Electoral del Estado de San Luis Potosi ti 2014.**

**JUN INIK LAJU'CHÍL BÓ'.** Kal an t'ajnéł xi in tejawamedha' sup-rec-214/2018. An sala superior del tribunal electoral de san luis potosi, in olna' ba' axé' xi k'anixtáláb in junkunél an ceepac abal xi tál an t'ajnéł takuxtaláb, ki in t'aja' an exobintaláb xi yejentál ani i in ayna' an t'ajnéł xi lubahd kal an dhuchnéł i tének candidadutas kal an diputaciones locales.

**JUN INIK LAJU'CHÍL AKAK.** Abal ti 30 a junio ti 2020, dhuchan an Decreto kal an Congreso del Estado de San Luis Potosi, in dhucha' an Ley Electoraal del Estado de San Luis Potosí ti 2020. Ju'táj yab bats'uwat kal an Partido del Trabajo jita' i téjwamedha' an itixtaláb kal an dhuchnéł an Ley Electoral. Talbél, ti 5 a octubre ti 2020, ba' an Acción de Inconstitucionalidad 164/202, an Suprema Corte in olna' abal yab in kwa'ál in tsap an decreto xi yab bats'uwat, kom in t'ajal ti kwentaj an artículos xi in ejtowál ki in odhna' an Tének bichowchik ani kwenchaláb (...), jaxtam yejentál ka t'ajan ok'ox an konowixtaláb ani, kon ants'ana' u t'ajnál ti kwentaj abal yab bats'uwat an decreto ti in kidhtál, in bats'uchik abal yejentál ka tsab met'an an Ley Electoral xi yab bats'udh.

Ba' axé' xi tsalap, an CEEPAC in bina' an t'ajnéł abal an Partidos Politicos ki in dhucha'chik i Tének candidaturas abal i diputaciones ani ayuntamientos, jawa' yab bats'uwamej kal k'eat i Partidos políticos ba' an tsalap abal ka tsap met'an TESLP/RR/11/2020 ani xi junkun (teslp/RR/12/2020 ani TESLP/RR13/2020) ba' an Tribunál Local ani xi ti k'ichaj 18 a noviembre ti 2020, jawa' t'ajan ti kwentaj ani t'ojoyát junkudhchik, ju'taj bats'uwat an tsalap xi in pojka'. Xi yabchik in bats'uw axé' xi t'ojodhtaláb pelchik an Partido del Trabajo ani an Conciencia Popular xi in olna' an Tribunal Local. An Sala Regional de Monterrey ba' axé' xi t'anél ti 11 a diciembre ti

2020, in t'ojjoy talyanél an it'ixbeltaláb ka jun i t'ajnel bijidh Juicios de Revision Constitucional kal an takuxtaláb xi olna', abal ants'ana' ki wekdha' an t'ojjodhtaláb xi in bina' an Tribunal Local, ants'ana' ejtíl an Lineamiento xi in dhucha' an CEEPAC.

Játs ants'ana' ti k'ichaj 15 a enero ti 2021 an CEEPAC in olna' an lineamientos ju'taj in dhucha': I. An partidos políticos, coaliciones, alianzas partidarias ani candidaturas independientes kwa'ál ki in junkiy, ti dhuchadhtaláb ab candidaturas abal an itbeltaláb an eyál ti ayuntamientos i atiklan xi u k'wajíl ti Tének kwencialab xi ajidh ti Bichow, ju'taj ki in kidhbay an dhuchlab, abal ani jun i t'ajnel abal an candidaturas propietaria ani xi ne'éts ti kalchix ti kwencjaláb, t'ajadh axé' ti planillas de mayoritaria relativa o ba' an dhuchláb an regidurías kal i kalchix proporcional. II. An partidos, ti in yanel an 58 bichowchik, kwa'ál ki in dhucha' i Tének candidaturas ti 17 i ayuntamientos, kom axé' in kwa'ál i Tének kwajilom k'adhpídh in yanél 50%, ani III. Yejentál an autoadscrición calificada abal an CEEPAC abal an dhuchumtaláb an Tének candidaturas.

Xi ok'ox, jant'idha' in ejtiyál an CEEPAC, an xi bats'udh jant'idha' ti dhuchan ti sentencia SM-JRC-10/2020 ani SM/JRC-11/2020 junkun, kal an tsalap xi ti artículo 297 ti Ley Electoral ti San Luis Potosí.

An partido político Conciencia Popular, yab in bats'uw an lineamientos xi in olna' an CEEPAC ti k'ichaj 15 a enero ti 2021 in pojka', ani ants'ana' t'ujchin an t'ajnel abal ka met'an kal an dhuchumtaláb TESLP/RR/02/2021 ani TESLP/RR/04/2021 ti in dhuchumtál an Tribunál Local, jáxtam an Tribunal Local ti k'ichaj a 5 a febrero ti 2021 in olna an t'ojjodhtaláb xi junkun kal an t'ajnel abal ka met'an axé' xi t'ajnel xi in olna' an partido xi bijin, kal an tsalap ki in bats'uw an lineamientos xi in olna' an CEEPAC. Xi yab kulbejin kal an t'ojodhtaláb xi binan, ani ti 9 a febrero an partido político Conciencia Popular in konoy an juicio Revisión Constitucional Electoral ju'taj t'ojjoyat axé'chik:

- a) Abal an CEEPAC in olna' an lineamientos abal ka t'ajan ti kwentaj an atiklab xi y k'wajíl ti Tének kwenchalab abal ka dhuchan i candidaturas abal an ayuntamientos ti takuxtalab 2020-2021, tam ok'ox yab in t'aja' an konowixtaláb ti kwenchalab xi bijyat, kon axé' in kwa'ál i tsalap xi in wat'enchal an exladhtaláb, an wenk'odhtaláb ani an tolmixtaláb abal ka ayna' an uchbidhtaláb an Tének kwenchaláb, jaxtam, an t'ojojdhtaláb xi in bina' an Tribunál Local yab ja' xi in tomnál.
- b) Kal axé' xi tsalap axé' xi Sala o píl i tribunal yab in ejtowál ki in olna' i tsalap xi pel in tsap an kwenchaláb, jawa' játs an alwa'taláb o pojkadhtaláb xi in ejtowál ki in ats'piy kal axé' xi t'ajnéel o t'ajbilab xi ki in olna' o ki in áyna' abal an Tének bichowchik, kom axé' pél in tsap an Tének kwenchalab ani pichowchik ki in olna'.
- c) In olnal jant'idha' uludh ti Ley Electoral del Estado de San Luis Potosí, an t'oijnalchik ti partidos in kwa'ál in uchbíl ki in dhucha' i Tének candidaturas jant'idha' ti dhuchadh ti artículo 297.
- d) Abatna' an Consejo Estatal Electoral y de Participación Ciudadana de San Luis Potosi, ki in ducha' an acuerdo ju'ta' ki in olchij an t'oijnal políticos ti bichowchik xi in yanél i k'wajilom pél i Tének ani ants'ana' ki in putuw xi uludh ti ley.
- e) Anijaye' in t'ojoyayál an tsalap kal an dhuchadhtaláb an Tének candidaturas, an Instituto Electoral Local jawa' kwa'ál ki in exobna' ti junchik an tsalap, xi ejtowab ka t'ajan kal i eyendhanél xi in tomnál, kal i k'ak'nadhtaláb xi ki in ejtow ka eyan abal an adscripción.

Yejentál ti uluw abal ax'e xi t'ojojdhtaláb in chuchbiyál abal tam ka le'na' ka ayna' jun i t'ajnéel o t'abilab xi lubahd constitucional o legal ok'ox tsalpald, ne'éts ki yejenchij ka t'ajan an konowixtaláb kal an k'wajilom ju'taj ti ne'éts ka t'ajan, ka jank'uyat o ka punchiyat i t'ajnéel o cuotas abal an uchbidhtaláb an kwenchaláb, yab et'il axé' xi pél

esídh ka dhuchan an t'ajnéel jant'idha' ne'éts ka ayna', xi exladh ti regulación reglamentaria, no sustancial, (jant'idha' axé' xi lineamientos), ju'taj in k'wajbál we'káts i eyextaláb o jant'idha' ne'éts ka ayna' an t'ajnéel xi ok'ox bats'umejíts, met'adhítđ ani konowidhíts, yab ki tsinka' abal axé' u ejtowáb ka met'an abal an tsap xi in kwa'ál ejtíl an legalidad ani constitucionalidad.

Tam i k'wajat i tametnál i jolataláb ju'taj abal ani' an lineamientos in ots'anchál an tének kwenchaláb, axé' yab in it'ixbedhál mani in jank'unchál jant'idha' jajá'chik in aynál in uchbíl ejtíl i k'wajilom.

**JUN INIK LAJU'CHÍL BÚK.** Ti junkudhtaláb ordinaria an Consejo General ti Instituto Nacional Electoral, t'ajadh ti 29 a noviembre ti 2022, in bats'uchik an Acuerdo INE/CG830/2020, kal jawa' in ayanál an sentencias xi in olna' an Sala Superior del Tribunal Electoral del Poder Judicial de la Federación ba' an tamkudh úw SUP-REC-1410/2021 ani in tamkuxtál ani SUP-JDC/901/2022, ju'táj ti olna' an **Lineamientos abal ki in t'aja' ti kwentáj ka putun a tsalap kal an autoadscripción calificada abal an tiklabchik xi ki in le'na' ka t'ajan ti kwentaj abal i Tének t'ajnéel xi lubadh abal an candidaturas abal ki in ayna' an t'ojláb federal xi u binab kal i takuxtaláb** ani in binál tok'tsixtaláb an dhuchláb xi bina' ti 25 a junio ti 2022 an Junta Distrital Ejecutiva 03 del Estado de Tlaxcala.

Kal axé' xi tsalap, ani kal an alimtaláb an t'ajnéel xi in tomnál abal an tolmixtaláb ani kalchixtaláb política abal an Tének bichowchik ani kwenchaláb kal an jolataláb abal ki in junkunchij in tsap, ani an tsalap intercultural ani abal ka k'aniat ki in ayna' in uchbíl político-electorales, ani abal ka putun, an Consejo General ti Instituto Nacional Electoral, jant'idha' in abatna' an Sala Superior del Tribunal Electoral del Poder Judicial de la Federación kal an sentencia xi in olna' kal an recurso xi exladh kal an ajumtál an junkudh úw SUP-REC-1410/2021 ani xi junkun, ani kal an tsalap ani tolmixtál xi olna' ti Acerdo INE/Cg830/2022, in olnál, abal an lienamientos xi k'wajat i bijyál, ki in ejtow ki

in t'aja' ti kwentaj ani ki in putuw an tsalap abal kal an Tének autoadscripción calificada, in olnál axé':

- a) Abal an konoxtaláb kal an dhuchumtaláb an atiklan xi in konial an candidaturas abal an t'ojlab federal kal an tsalap abal in yanél relativa axé' xi konoxtaláb ne'éts ka t'ajan ba an Tének t'ajnel xi lunadh xi kwa'ál ki in bina' ti Consejo Local o Distrital, ju'taj játs in tomnál, abal ants'ana' an Vocalía Ejecutiva o an atiklab xi ka abatna' ki in met'a' ki in ko'oy talyanél an t'ajnel xi kwa'ál ki in ayna' abal ki in t'aja' ti kwentaj abal an constancia de adscripción calificada indigenal pel i chubaxtaláb ani ants'ana' ka t'ajan ti kwentaj abal u exlab ti Tének bichow ani kwenchalab. An konowixtaláb kwa'ál jaye' ka binan ti Consejo General.
- b) Abal atiklab xi in konial ka dhuchan kal an tsalap representación proporcional, an konowixtaláb abal ka dhuchan kwa'ál ki in bina' ti Consejo General.
- c) Abal an kowixtaláb abal ka dhuchan kwa'ál ka junaxna' kal an carta de autoadscripción jut'aj an atiklab xi in le' ti candidato ki in olna:
  - An Tének bichow ani kwenchalab jut'aj u k'wajíl, ma jayk'ij ani ju'taj ka ela' an Tének kwenchaláb;
  - Máx in kawnál an Tének káw, ani jawa' játs;
  - Jale' játs an tsalap abal u kwet dhuchnál ba' nixé' xi bichow ani kwenchaláb;
  - Jant'idha' in tsapikmedhál an tolmixtalab kal an kwajilom, nujnél, t'ajbiláb ani piliticas xi wa'tse' ti kwenchaláb ju'taj u k'wajíl.

An kwenchaláb xi in olnál kwa'ál ka k'wajay ba' an distrito, Pulik Bichow o bichow, ejtidh an t'ojláb xi in le' ki in ayna', ani jawa' k'wajat in konial an atiklab ani kwa'ál ka k'wajiy dhuchadh ti Sistema Nacional de Información Estadística de los Pueblos y Comunidades Indígenas ti INPI.

- d) Abal an konowixtalab abal ka dhuchan kwa'ál ka junikna' kal an constancia de adscripción calificada indígena xi ki in bina' an eyál xi wa'áts ti Tének kwenthaláb o kwajilom ju'taj u k'wajíl ani jawa' in le' ki ok'xiy, jawa' jaye' kwa'ál ka k'wajiy dhuchadh ti Sistema Nacional de Información.
- e) Abal an constancia de adscripción calificada indígenas kwa'ál ki in bina' jun i eyal ti kwenthaláb ju'taj an atiklab k'wajat in konial abal ki in t'aja' ti candidata, ani axé' játs an eyalchik xi in ejtowál ki in bina':
- An Asamblea General comunitaria o pil i junkunél xi in tsapliyal;
  - An Asamblea de autoridades indígenas, tradicionales o comunitarias;
  - An eyal ti kwenthaláb
  - An eyal agraria indígena.
- f) Máx ti kwenthaláb yab ki in ko'oy mani jun i eyal xi i bijiy, tam an eyal electoral játs xi ne'éts ki t'aja' ti kwentaj máx an atiklab xi in le' ti candidata chubax u exláb ani u tolmix ti kwenthaláb xi in olnál in le' ki in ok'xiy, ba' axé' xi t'ajné:
- Ne'éts ka t'ajan i asamblea comunitaria;
  - Ne'éts ka konowiyat i k'wajilom ti kwenthaláb;
  - Ne'éts ka exobna' an úw xi ki in bina' tam ki in konoy ka dhuchan;
  - An eyal ti bichow;
  - Asociaciones civiles xi in t'ajál ti kwentaj an Tének atiklab.
- g) Abal an constancia de adscripción calificada indígena kwa'ál ka binan ti original ani ki in ko'oy axé' xi dhuchláb ejtíl: an k'ichaj ti ts'ejnkan, jawa' yab kwa'ál ki in wat'enchij akak a íts ok'ox ka t'ajan an konowixtaláb ka dhuchan, in bij, an firma o huella datilar, máx in tomnal, an sello ani in áy jita' in binál an úw, ants'ana' ejtíl in bij ju'taj ka ejtowa' ka elan ani an numero telefónico ani pil i tsalap jant'idha' ka tawna'.



h) Abal an constnaica de adscripción calificada indígena kwa'ál ki in olna' tal yanel an tsalap ju'taj ki in t'aja' ti kwentaj abal chubax u exlab ani u tolmix ti Tének kwencialab, ani axé' játs:

- Abal chubax u k'wajil ti Tének kwencialab;
- Abal tana' wa'tsinenek o yeje;
- In olnál abal in kawnál an Tének káw ma ti in tsakamtál;
- Abal u káw ti Tenek ani jawa'chik;
- Abal in k'wa'ál i biyál jaúblab xi k'wajiy ti kwencialáb;
- In ok'xiyamál jun i áylab ti kwencialab, jawa' játs ani jayk'i';
- Max in ok'xiyamál jun i kalchixtaláb ti kwencialáb jant'idha' ti bats'udh ti sistema normativo indígena;
- Abal ats'ey in tolmiyal an kwencialab abal ki in bajuw i alwa'talab;
- Ki in olna' jant'idha' ne'éts ki in tsapliy an tolmixtaláb kal an Tének kwencialab;
- Máx in binamál jun i tolmixtaláb ti kwencialáb ani janey játs xi in t'aja';
- Máx u k'alel ti junkunél abal ki in alwa'medha' an t'ojlab xi u t'ajab o ki in tolmiy ka t'ojon an k'wiyaxtaláb o pejextaláb xi wa'tsinál ti kwencialáb;
- Máx in ok'xiyamál o tolmiyamál jun i Tének junkunél abal ki in alwa'medha' o ki in k'aniy an instituciones;
- Pilchik i t'ajnéel xi in aynamál abal ki in puwedha' an kwencialáb ani jayk'ij ti in t'aja';
- Ani k'eat i t'ajnéel xi an Tének kwencialáb o eyál ki in tsalpay yejentál ki in olna' ani ki in bats'uw abal an atiklab pél i k'wajilom ba' nixé' xi kwenchál.

i) Abal an constancia de adscripción calificada indígena kwa'ál ki nedha' i k'otbidh úw xi ki in bina' an kwencialáb, ejtíl an acta de asambela o k'eat i ok'chixtaláb.

j) Abal talyanéel an atiklan xi ki in le'na' ka t'ajan ti kwentaj ba' an tsalap principio de mayoría relativa o kal an representación proporcional, kwa'ál ki in bina' an

autoadscripción indígena calificada kal talyanél an constancias xi uludhíts ti tsablum an konowixtaláb ka dhuchan.

- k) Máx an constancia de adscripción calificada indígena ki in putuw an tsalap xi olnadh ti Lineamientos, an Instituto ne'éts ki in konchij an partido político o coalición yab kwa'ál ka wat'ey 48 i k'ij abal ki in t'aja' ti kwentaj ani ki in t'ojojoy an tsalap xi yab bats'uwat, máx axé' yab ka t'ajan an yan ne'éts ka dhuchan an candidatura xi in tomnál.
- l) An konowixtaláb xi ka t'ajan jant'idha' ti uludh ti ebál an dhuchláb, yab kwa'ál ka binan i constancia kal pil i kwenchaláb o i eyál; tokot kwa'ál ka alwa'medha' an constancia xi binan k'a'ál o ki in junkiy kal k'eat i t'ajnéel abal ki in tsapikmedha' an tejawamedhomtaláb xi ók'ox.
- m) Máx yab ka bats'uwat an candidatura Tének, an Vocalia Ejecutiva Local o Distrital o an atiklab xi ka abatna' ki t'aja' ti kwentaj, ne'éts ki in ayna' talyanél an t'ajbilab abal ki exla' abal an úw xi binan pel i chubaxtaláb ani ki in dhucha' an informe xi ne'éts ki in bina' ti TEPJF, ani abal axé' ka t'ajan ne'éts ka k'ale' ki in konowiy an eyál xi in bina' an constancia de adscripción calificada indígena, abal ants'ana' ka t'ajan ti kwentaj abal chubax u exlab ani u tolmix ti bichow ani kwenchalpab xi in olnál an atiklab xi in le' ti candidata abal ajidh tana', ani jant'idha' ti punudh ti formato xi ki in olna' an DEPPP. Abal ants'ana' ki in t'aja' an axobintaláb, an Vocalia in ejtowál ka ayna' kal i atiklab abal ka kwenk'onchat an Tének kaw.
- n) An t'ajnéel abal ka t'ajan an tsu'uxtaláb abal pel i chubaxtaláb an constancias de adscripción calificada indígena, tam in tomnál, ne'éts ka t'ajan ti k'ichajchik lunes ma viernes ti jun i k'ij a 9:00 ani 18:00. Abal ka t'ajan an ts'abixtaláb ti bichowchik ani kwenchaláb ne'éts ok'ox ka olchin an eyalchik ti kwenchál; jáxtam an k'ij in

ejtowál ka watkanchat ani wa'áts i ts'abixtaláb xi ejtowab ka t'ajan ti k'ichaj sábado ani domingo.

- o) Máx an constancia binan kal an Asamblea General Comunitario o pil xi in tsapliyál, o an Asamblea de autoridades indígenas, tradicionales o comunitarias, an konowixtaláb ne'éts ka t'ajchin an atiklabchik xi dhuchadh ti acta an asamblea o jun i óx i atiklan ti kwenchaláb.
- p) Abal an tiklab ju'taj takuwiat i diputadas o diputadas ti jun i distrito indígena xi wat'enek tsab i DEF ani yab nixan abal ki in ko'oy i atiklab kal nixé' in alwa', máx in le' ka tsap takuwiat, kwa'ál ki in olna' abal ajidh ti jun i Tének kwenchaláb ju'taj in t'aja' jant'idha' ti uludh kwa'ál ki junkuw an úw xi olnadhíts.
- q) Tal yanél an tsalap xi ki in olna' an Consejo ti INE kwa'ál ka lejbayat kal an constancias xi kwa'a'l ki in kidhbay an junkudh úw abal an konoxtaláb ka dhuchan, ani jaye' xi in koniál ani i ts'ejkamál an PPN o coaliciones ani, máx in tomnál, jawa' binamej abal ka t'ajan ti kwentaj an chubaxtalab xi dhuchadh ti constancia de adscrcion indígenas calificada ani tal yanél an úw xi in junkuwál, ani jaye' an úw xi in koniál an INE abal ka t'ajan ti kwentaj an chubaxtaláb abal an atiklab xi pel i candidata ajidh ti Tének bichow ani kwenchalab xi in olnál.
- r) Máx an constancia de adscripción indígena ani tal yanél an úw xi ki in junkuw yab ki in olna' abal chubax an autoadscrición indigean calificada xi in binal an atiklab, yab ne'éts ka t'ajan an dhuchadhthaláb xi in tomnál ani an PPN o coalición ne'éts ki in ko'oy 48 i k'ij abal ki in jalk'uy an candidatura. An it candidatura kwa'ál jaye' ki in putuw talyanél an konodhtaláb xi in olnal Lineamientos; máx yab ki in t'aja', kom axé' pel jun i t'ajnéel xi lubadh xi kwa'ál ka putun, ne'éts ka tawna' an PPN o coalición ani ne'éts ka pidhan junil jun i k'ichaj expidh abal ki in bina' juníl

an konoxtaláb. Máx ba' axé xi k'ij yab ka binan an junkduh úw jantidha' ti olnadh, an PPN o coalición yab ne'éts ki in ko'oy i candidatura.

s) Expidh ju'táj an Tének kwencialab yab ki in ko'oy i eyal an constancia de adscripcion calificada indígena, in ejetowál ki in bina jun i asociación civil xi in ejtowal ki olna' ani ki in t'aja' ti kwentaj kal an adscripción indígena calificada jun i atiklab; an lubahdtalab kwa'ál ki in ko'oy tal yanél an t'ajnéj ju'taj ki in olna' an tsalap abal pel i Tének atiklab. Ants'ana' jaye', abal yab ka wa'tsin i asociaciones civiles xi expidh ki in bina' an constancias, an asociación civil kwa'ál ki ko'oy tsap tamúb ti in tujchamál an t'ojláb ok'ox ki in bina' an constancia, kwa'ál ka kwajay kidhbadh kas i Tének atiklab, in t'ojlabil kwa'a'l ki in ayna' an tolmixtaláb abal ka junkuntat an alwa'talab abal an Tének atiklab, ka t'ixk'a an pojkadhtaláb, ki in puwedha' an nujnéj, kwajilomtaláb, político, an exobintaláb, an alwa'talab an xe'tsintaláb, ki in beletna' an biyál t'ajnéj ani t'ajbilab, ki in tolmij an t'sejkanél, ani pilchil.

t) Tal yanél an eyál ti bichow xi takuwamej ba i sistema de partidos políticos ani yab in kwa'ál in kwetem eyál tradicional ba' an Tének kwencialáb, axé' expidh in kwa'ál in tsap ki in bina' i constancias an atiklab xi in le' ti candidata, expidh tam ti kwencialab yab ki in ko'oy i eyál abal ki in ts'ejka an constancia ani in yanél an k'wajilom ti bichow ki in ko'oy wekáts an 40% in yanél i atiklan xi ki in kwet bats'uw a bal pél i Tének.

u) Abal an konoxistaláb abal ka jalkuyat an candidaturas kwa'ál ki in kidhbay jae' tal yanél xi konodh ani ki in ayna' an t'ajnéj kal an konoxtaláb ka dhuchan jant'idha' uludh ti Lineamientos, kal an tsalap abal xi ko'ox kwa'ál ka binan ti Consejo General, jant'idha' k'wajat ti artículo 241 ti LGIPE.

Ants'ana', ani kal tal yanél an t'ilap xi i olna'its, ani tal yanél an it'ixtaláb xi wa'tsin, an Sala Superior del Tribunal Electoral del Poder Judicial de la Federación, ti Jurisprudencia 3/2023 ti k'ichaj 3 a abril ti 2023, in ko'oy ki in tsipay máx ji'taj ki in konoy

an candidaturas ani in olnal abal pél i Tének atiklab abal ki kidhbay an t'ajnéel xu lubadh játs expidh o ibaj abal ka ayyat abal u kwajíl ti kwenchalab, o, abal an partidos lwa'ál ki in bina' pilchik i t'ajnel abal ka t'ajan ti kwentaj abal ajidh an atiklab ti jun i kwenchalab ani, ants'ana' ki in t'ixka' an autoadscripción xi yan ja' in alwa'. Anijaye', jawa' játs an úw o an t'ajnéel xi in tolmiyal abal ka exlanchat in áy ti kwenchalab. Kal axé', in olnal an tsapal:

**AN TÉNEK KWENCHÁL. AN PARTIDOS POLÍTICOS KWA'ÁL KI IN OLNÁ' AN T'AJNÉEL KAL XI IN OLNÁL ABAL AN ATIKLAB XI NE'ÉTS KI IN TOLMIY ABAL TI CANDIDATO U K'WAJÍL TI KWENCHALÁB, ABAL ANTS'ANA' KI IN PUTUW AN TSALAP KAL AN T'AJNÉEL XI LUNADH.**

jant'idha' ti dhuchadh ti artículo 2° ti Constitución Política de los Estados Unidos Mexicanos; an Convenio 169 de la Organización Internacional del Trabajo sobre los Pueblos Indígenas y Tribales en Países Independientes; an Declaración de las Naciones Unidas sobre Derechos Indígenas ani an Jurisprudencia 12/2012, ti chidhláb AN TENEK KWENCHALÁB. AN TSALPA ABAL EXPIDH YEJENTAL AN AUTOADSCRIPCIÓN A BAL KI IN AJIYCHIK AN K'WAJILOM, an Sala Superior in teynamál an tsalap abal **yejentál ki in olna' an autoadscripción calificada**, abal an t'ajnel xi lubadh ki in ko'oy an eynadhataláb xi tsalpanchamej, jaxtam yejentál ki in olna' abal pel i chubaxtalab an tolmixtaláb xi in olnal ti constancias xi in binál an instituciones sociales, económicas, culturales ani políticas ju'taj ti ajidh an kwenchaláb. Abal ants'ana' ka lujbanchat an k'wajilom abal an candidaturas indígena, k'wajat ti kalchinál kal i atiklab xi chubax in le' ki in tolmiy an kwenchaláb. Kal axé' xi tsalapa an eyalchik ani t'ojnalchik político in kwa'ál in uchbíl ki in beletna' abal an candidaturas xi ka koniat, ki in ayna' i Tének atiklab xi ajidh ti in kwenchalíl xi in le' ki in ok'xiy ani ants'ana' ki in tixk'a an autoadscripción xi yab in tomnál.

**JUN INIK LAJU'CHÍL WAXIK.** Ba' an t'ojodhtaláb SUP-RAP-726/2017 ani xi in junkuw, an Sala Superior del Tribunal Electoral del Poder Judicial de la Federación in t'ojojoy an it'ixtaláb xi in kwa'alák in uchbíl ki in pojka an Acuerdo INE/CG508/201, ju'taj in olnal abal an dhuchadhtaláb kal an candidaturas, an partidos políticos kwa'al ki in junikna' an konostalab xi in tomnál, an constancias o i t'ajnéel ju'taj an atiklab ki in olna' jant'idha ¿' ti ajidh ti kwenchal ju'taj u k'wajíl.

**JUN INIK LAJU'CHÍL BELEW.** Abal an t'ojodhtaláb xi dhuchadh kal an tamkudh úw SUP-RAP-726/2017, an Sala Superior ti TEPJF, in olna' abal ki in tsapikmedha' an t'ajnel xi lubadh kal i atiklab in le' ki in kalchinchij an Tének lwenchalab kal jun i Partido, yab expidh yejentál an autoadscripción, anijaye' tam ka dhudhan, yejental jaye' abal an Partidos Politicos ki in olna' abal chubax o ibaj an ajidhtalán an atiklan ti Tének kwenchaláb xi in ulal ju'taj u k'wajíl. Abal ants'ana' ki in putuw an tsalap an certeza ani seguridad jurídica, ants'ana' jaye' abal ki in tolmij ka putun an t'ajnéel, axé' máx játs i autoadscripción calificada, jawa' kwa'ál ka k'wajiy bats'udh kal an t'ajnéel xi in tomnál.

Kal axé' xi tsalap, ani abal ka putun xi an káw cal an autoconciencia xi punudh ti articulo 2° ti CPEUM, xi in tsapliyál in alwa' an adscripción indígena, ani abal yab ka t'ajan ti kwentaj i atikpab xi yab in putwál an tsalap, yajentál abal yab expidh an declaración xi in tomnál, an partitodos políticos ani coaliciones ki in dhucha' jaye' abal an atiklab xi ne'éts i candidato ajidh ti kwenchaláb. Ants'ana', tam ki in konoy an dhuchadhtaláb abal an candidaturas, kal an tsalap principio mayoría relativa ani principio de representación proporcional, an partidos políticos ani coaliciones xi in konial, ki in bina' an t'ajnéel ju'taj ki in olna' an ajidhtaláb xi in kwa'ál an atiklab xi ne'éts i candidato kal an kwenchalab an distrito o bichow ju'taj ti ne'éts ka dhuchan. Axé' in le' ki in uluw, abal yab expidh yejentál abal an partidos ki in bina' an úw kal an autoadscripción, yejentál abal an partidos o an coaliciones, ki in bina' i úw ju'taj ki olna' abal in kwa'ál o ibaj an ajidhtaláb kal an kwenchaláb.

Axé' abal ka tsapikmej an t'ajnel xi lubadh kal an atiklab xi ne'éts ki ok'chiy an partidos políticos xi ne'éts ki in kalkinchij an Tének kwenchalab, yab expidh kwa'ál ka binan junkáts i úw ju'taj kal olna' an autoadscripción, ani jaye', tam ki in t'aja' an dhuchumtaláb, yejental abal an partidos políticos o coaliciones, ki in bina' jaye' an úw ju'taj ka olna' abal wa'áts o ibaj an ajidhtaláb an atiklab ba' an kwenchalab ju'taj in ulal abal u k'wajíl, axé' abal ka putun an tsalap kal an certeza ani seguridad publica, ants'ana' ejtíl ka putun axé' xi t'ajnel; ani ka olna' an autoadscripción calificada kal an t'ajnel xi in tomnál abal ka t'ajan.

**TSABCHÍL INIK.** Kal an **tsalap an autoadscripción calificada, an Ley Electoral del Estado de San Luis Potosí**, in ulal ti **artículo 269**, jita'chik ki in konoy ki in ayna' i Tének candidaturas, kwa'ál ki in putuw an t'ajnel xi dhuchadh ti lineamientos abal an autoadscripción calificada xi ki in bina' an Co'sejo, jawa' kwa'ál ka tsapliyat kal an ajidhtaláb an kwenchál xi in le' ki kalchij.

**TSABCHÍL INIK JUN.** Abal ti artículo 217 ti ley xi olnadh, dhuchadh abal an **Consejo játs jitaj ne'éts ki in beletna' abal ka putun an tsalap kal an autoadscripción calificada tam ka dhuchan an candidaturas abal i Tének atiklab; ani in yanél an Tének k'wajilom si yejental.**

**TSABCHÍL INIK TSAP.** Kal an biyál t'ilap, an tsalpadhtaláb ani t'ajnel, constitucionales, ants'ana' kal xi in olnal an instrumentos internacionales, xi in kidhbayál an lineamientos, xi ok'ox uludh, ani ts'ejkadh kal an INE abal ki in t'aja' ti kwentaj abal u putnál kal an autoadscripción calificada abal atiklab xi ki in le'na' ka t'ajan ti kwentaj kal an Tének t'ajnel xi lubadh abal an candidaturas abal ki in ayna' an takuxtaláb, jawa' yejental tam in le'chik ki in ayna' an t'ojlab federales, ani in tolmiyál abal ka ayna' kal axé' xi Consejo abal ki in ts'ejka ani ki in ayna' an t'ajnel normativas ani procedimentales xi yejental, ants'ana' ki in luba' ani ki t'aja' jant'idha' ti dhuchadh ti artículos 269 ani 217, ti Ley Electoral del Estado de San Luis Potosí, ants'ana' ejtíl ka putun, kal jitajchik ki in le'na' ki in ok'xiy an Tének candidaturas, jant'idha' ti dhuchadh ti lineamientos de



autoadscripción calificada abal an dhuchadhtaláb an candidaturas abal an Tének atiklab; ani in yanél an Tének k'wajilom xi yejentál.

**TSABCJÍL JUN ÓX.** Abal ki in pidha' in tsap an certeza ani legalidad an dhuchadhtaláb an candidaturas abal an atiklabchik xi u k'wajíl ti Tének bichowchik ani kwenchaláb ti pilchik i distritos ani bichowchik ti Pulik Bichow San Luis Potosi, kal an takuxtalab an Diputaciones ani ayuntamiento kal an takuxtaláb electoral ti 2024 ani ants'ana' ka putun kal an dhuchaxtaláb i candidaturas i atiklab ju'taj ka watsin k'adhpídh an Tének k'wajilom ba an autoadscripción calificada ejtíl i Tének t'ajnéel xi lubadh, ani ants'ana' ka putun an tsalap xi k'wajbadh abal ka k'aniat an aynadhtaláb an uchbidhtaláb político-electorales an Tének bichowchik ani kwenchalab ba' axé' xi Consejo, ji'taj in t'ajal ti kwentaj ani in yekwal an Lineamientos abal ki ela' an chubaxtaláb abal u putnal an autoadscripción calificada kal an atiklan xi in le' ka t'ajan ti kwentaj ba' an Tének t'ajnel xi lubadh abal an candidaturas fecerales xi u takwiab, xi olnadh kal an INE ba' an Acuerdo INE/CG830/2022, ja'wa' chubax yab bats'uwat ani olna' ti Sala Superior del Tribunal Electoral del Poder Judicial de la Federación kal in ajumtal an tamkduh úw SUP-JDC-56/2023, ani jaye' kal an t'ojodhtaláb xi kale' kal an axobitaláb xi t'ajan kal an it'ixbedhomtaláb in puwedha' an tsalap abal ka t'ajan ti kwentaj abal expídh an Asambleas Generales Comunitarios játschik expídh ji'taj ki in bina' an constancias de autoadscripción jawa' in t'ajal yab ki in t'aja' ti kwentáj k'eat i t'ajbilab xi ka ejtowat ka eyan ani ki in tsapikmedha' an sistemas normaticos indígenas ani jaye' ki in puwedha' an conciencia ani identidad, abal ants'ana' ka bajwat an lineamientos xi in k'wajbal an mecanismo procedimental jawa' kwa'ál ki in tsapikmedha' an chubaxtaláb kal an autoadscripción calificada jawa' ne'éts ka eyan ti in yanél an t'ajnel kal an bats'udhtaláb ti in al an Tének bichowchik ani kwenchaláb.

Kal axé' xi tsalap, an Sala in bats'uwal jaye' abal an Asamblea General Comunitaria pela an pulik eyal ju'taj in tsalpayal ani in bats'uwal an káw, ants'ana' ejtíl ki in k'wajbaj an t'ajnéel xi kwa'ál ka ayna' kal an Tének k'wajilom ti kwenchalab; jáxtam in

tejwamedhál abal an Tének kwenchaláb ani an bichowchik pél an pulik eyal xi wa'áts kal pilchik i eyál, ani játs an k'a'ál eyál xi kwa'ál ka konchin an constancia, tokot yab kwa'ál ki uchij abal an sistema normativo interno ti kwenchalab xi kale' kal an konowixtalab xi tajan ti in puwel federal in t'ajal ti kwentaj k'eat i t'ajnéel, kom wa'áts k'eat i kwenchaláb xi yab wa'áts i Asamblea General o i eyál xi in ejtowál ki in olana' jí'taj pel i Tének.

**TSAPCHÍL INIK TSÉ'**. Ants'ana' jaye' t'ajan ti kwentaj an tsalap xi in olnal an Acuerdo CG 527/2023, xi in ulal, abal an atiklab xi ki in le'na' ka t'ajan ti kwentaj kal an partidos políticos nacionales ani coaliciones, abal an t'ajnéel xi lubadh ti bichowchik ti Lap Tom, kwa'ál ki in tsu'uw ani ki in putuw xi punudh ti Lineamientos xi olnadh. Ants'ana' jaye' u t'ajnal ti kwentaj xi uludh ti Jurisprudencia 3/2023 jut'aj in ulal abal **yejentál ka olna' an chubaxtaláb kal an autoadscripción calificada**, abal ants'ana' an t'ajnéel xi lubadh ka tsapliyat, abal ka olna' abal wa'áts i tolmixtalab jant'idha' in tomnál ka binan an constancias kal an institucionales an kwajilom, nujnéel, t'ajbilab ani políticas ti pilchik an kwenchaláb ju'taj u k'wajíl ani ajidh, abal ka t'ajan jant'idha' alnadh ok'ox, an eyalchik ani an t'ojnal políticos kwa'ál in uchbíl ki in t'aja' ti kwentaj abal an candidaturas xi ka koniat, ka eyán kal i Tének atiklab xi ajidh ani u tolmix ti kwenchalan xi in le' ki in kalchinchij an ok'chixtaláb ani ants'ana' ki in ejtow ki in tixk'a an autoadscripción xi yab in tomnál.

Kal xi uludh ok'ox ani bats'udh kal axé' xi Consejo in inkiyál ki in olna' axé' xi tsalap, xi játs:

**AN ACUERDO AN CONSEJO GENERAL DEL CONSEJO ESTATAL ELECTORAL Y DE PARTICIPACIÓN CIUDADANA, BA' JU'TAJ IN OLNAL AN LINEAMIENTOS ABAL KI IN T'AJA' TI KWENTÁJ AN BICHOWCHIK ANI DISTRITOS XI IN K'WA'ÁL K'ADHPIDH I TÉNEK K'WAJILOM TI PULIK BICHOW SAN LUIS POTOSI ABAL KA T'AJAN AN OK'CHIXTALÁB AN CANDIDATURAS KAL I TÉNEK ATIKLAB,**

**ANTS'ANA' EJTÍL AN TSALAP ABAL KA T'AJAN TI KWENTÁJ ABAL PEL I CHUBAXTALÁB AN AUTOADSCRIPCIÍN CALIFICADA XI KONODH ABAL AN TAKUXTALAB ALECTORAL 2024.**

**K'A'ÁL.** An Consejo General del Consejo Estatal Electoral y de Participación Ciudadana játs xi in tomnál ki in olna' axé' xi acuerdo jant'idha' uludh ti artículo 49 Pejách I, dhuchláb a) ti Ley Electoral xi xu k'ij in abatnál an Pulik Bichow San Luis Potosí.

**TSABCHÍL.** An Consejo General del Consejo Estatal Electoral y de Participación Ciudadana in **BATS'UWAL** an Lineamientos abal ki in t'aja' ti kwentáj an bichowchik ani distritos ju'taj k'adhpídh in kwa'ál i Tének kwajilom ti Pulik Bichow San Luis potosí abal ka ayna' an candidaturas kal i Tének atiklab, ants'ana' ejtíl an t'ajnéel jant'idha' ne'éts ka exla' máx chubax an autoadscripción calificada xi in koniál an takuxtalab electoral 2024 ani in junaxtál; eyendhanél xi kidhbayál axé.

**OXCHÍL.** In Olchal an Secretaria Ejecutiva del Consejo Estatal Electoral y de Participación Ciudadana abal ba' in t'ojlabil ki in olna' axé' xi acuerdo, ba' an t'ajnéel an Consejo Estatal Electoral y de Participación Ciudadana, abal in tsap legales xi in aynál ani ki in dhucha' ti pagina oficial an abatnom [www.ceepacslp.org.mx](http://www.ceepacslp.org.mx).

**TSE'CHÍL.** In olchal an Secretaria Ejecutiva del Consejo Electoral y de Participación Ciudadana ki in olna' axé' xi acuerdo an atiklabchik xi in kidhbayál an Consejo General xi yan k'wajay tam ti t'ajan an batskudhtaláb: ants'ana' ejt'il in pejách axé' xi Consejo.

**BO'CHÍL.** Ne'éts ka ayna' axé' xi acuerdo ti xi jun an k'ichaj ti t'ajan an batskudhtaláb.

Axé' xi acuerdo batsuwat kal in kidhtál an Consejo General del Consejo Estatal Electoral y de Participación Ciudadana, ba' jun i tamkudhtalab xi t'ajan ti jun a noviembre ti tamub dos mil veintitrés.

**DRA. PALOMA BLANCO LÓPEZ**  
**CONSEJERA PRESIDENTA**

**MTRO. MAURO EUGENIO BLANCO MARTÍNEZ**  
**SECRETARIO EJECUTIVO**

**Traducido e interpretado a la lengua Tének por: Mtra. Sitlalxochitl Rubio Sotero**